

揭陽縣志卷之七

風俗志

剛柔緩急繫於水土謂之風好惡取舍隨乎君上謂之俗興仁篤義其俗自淳敬上愛親爲風斯古故古聖人必命太史採詩而陳之以觀其習尙揭俗民多力田鮮事末作

國朝以來文風日盛不愧海濱鄒魯之稱然而地沃人稠蟬蛸是尙雀鼠興爭與爲善良之梗者往往而有風俗不古若繫豈惟民之咎哉是在主持者潛移而默化之耳志風俗

風尙

舊志云民化於禮義

自唐高宗儀鳳間常懷德爲刺史以禮義教民民皆化之故揭民鄉族家庭之間恩禮可觀而閭閻之訓猶肅

揭陽縣志

卷之七

風尙

間有父子分居夫婦輕相背如郡志所云者人亦莫不恥笑之知府周鵬揭陽觀風詩云城郭家家水道連小舟時繫竹籬邊養生自有天生利更喜而今禮樂傳

舊志云士篤於文行

文學之士彬彬輩出後先相望遂有海濱鄒魯之稱

舊志云朱子之學有傳

自郭叔雲親受業朱子之門講明格致之學推重禮教遵守文公家禮如著龜雖婦女亦曉所謂朱文公者至於士學必求淵源不專事口耳矣

舊志云縉紳以名節自持

邑士夫素畏清議居官恥致富近稍不如昔然勁直之風猶存

舊志云繼登首選科不乏人文風與中州頡頏

邑自陳希復兩冠



賢書一魁天下士知向學在前明舉鄉試第一者四人魁則歷榜皆有之南宮之捷崇正戊辰尤臻極盛

舊志云家蓄圖籍人習禮儀窮鄉隘巷絃歌之聲相聞知府林和詩云書聲沿巷有佛事比家無近亦頗尙佛事矣然識者非之又藍霖二都山僻處少讀書儀文簡略近亦稍振

舊志云士族重喪祭營宮室先立祠堂置祭田以供祀事 向時喪禮奢於酒食務爲虛華今喪祭禮本末亦頗相稱又如諸邑成服之禮希圖晉事遲至一月二月外者非先王之教也獨吾揭悉遵家禮與考慈錄舉行

舊志云小民盡力農畝 知府葉元玉詩云太守行春到揭陽村村男婦事耕桑道旁野老無拘束笑指公家馬足忙故揭陽之粟甲

揭陽縣志

卷之七

風尚

二

於他縣雖緣田地廣饒亦由人工修舉後以寇賊充斥奸宄橫生民頗失業

舊志云其次爲工爲商瀕海則以魚鹽爲業 揭民不習工商惟士與農其餘或遊手好閒習賭爲業搬戲誨淫其流至於爲偷爲盜尤可恨者鄉談陳三一曲傷風敗俗必淫蕩亡檢者爲之不知里巷市井何以翕然共好崇正間邑令陳鼎新首行嚴禁亦釐正風化之一端也

舊志云婦女勤於績紡 邑所出葛布多佳麻布有行而依山之婦且代夫樵採瀕海者或拾海錯日鬻以給至插秧割稻凡婦皆然惟僮隸細人不務本等生理其婦亦有不緝其麻市也婆婆者逸則忘善爲風俗累者有之



舊志云聘娶以檳榔芙榴爲禮 六禮之行在揭尤備婚禮或失之奢其宜示之儉乎至於冠用三加士夫行之小民或未能也

舊志云疾病不事醫藥多用巫覡禱禳 近亦頗知事醫藥而禱禳之風未能頓去婦女爲其蠱惑尤甚又有女巫孽香替魂之屬無病而祈神者巫風有刑在更化者嚴革

舊志云田野之民死多火葬 其弊今已悉革

舊志云阻山瀕海性尤勁悍 邑民懦樸與近山諸處不同邇來告訐之風起於細輩豪強借以弱食者有之省志謂其間有雄行健訟爲善良之梗者不爲無徵在官府能伸此而抑彼刁風庶幾其少息乎

舊志云言語不可以字辨 漳潮之音實爲風氣所囿然如出入往

揭陽縣志

卷之七

風尚

三

來身心手足衣服酒米河漢州瀆乙丁辛壬雷地雷日春秋鬼神錦繡簪筆等字亦皆正音揭語尤直致少委曲士夫秀士乃能官語小人鄙俚粗俗官府面前猶用鄉譚

舊志云峯戶男女權髻跣足刀耕火種 藍靛山谷中有此一種畏見官府終身不敢入城郭善射獵以毒藥塗弩矢中獸立斃

舊志云蛋戶舟居捕魚爲業 其戶悉隸潮陽利揭無風濤之險時來捕取雍正八年許蛋戶村居編戶

郡志云潮郡佃丁大半悍黠視業主如弁髦始而逋租繼且占產構訟不絕糧田質田混淆虛實里中無賴性尤獷險或藉丐屍冒作親人昇至富家或故殺病丐移屍勒詐非有司明決往往全家傾陷且以大族凌小族強宗欺弱宗結黨樹援好勇鬪狠每百十爲



羣持械相鬪期於殺傷而後快預擇敢死者得重賄抵命名曰買兇公庭嚴鞫雖嚴刑不肯實吐大爲風俗人心之害按此條於揭尤爲切中近復有兇徒索詐富民不遂因而服斷腸草賴命者司牧者宜痛加懲創不可憐其旣死而稍寬之也

附錄邑紳薛侃鄉約

一婚姻 婚姻爲人道之始求配必長而後行今世早聘圖門第之高財禮之盛及期則家有廢興往往不終誠可戒也

一喪葬 送死大事以哀爲本以衣衾棺槨爲重世人只顧待賓客有勉強傾家者或停久不葬此皆非小失今定爲議弔客一茶而退遠者留菜飯不許分帛開筵

一閨範 人家不正皆由內外不嚴或容牙婆往來或使女婢出街

揭陽縣志 卷之七

風尚

四

交通引染由小及大家中又不得搬演鄉譚雜戲蕩情敗俗莫此爲甚俱宜痛革

一蒙養 人家子弟自幼習撲毆人狎侮尊長父兄以爲喜稍長與羣兒競手探外物入室亦以爲喜又華其衣服美其飲食以爲鍾愛不知小者大之漸習撲毆侮尊長爭鬪悖逆之漸也探外物盜竊之漸也華衣美食驕淫之漸也愛子弟者自幼慎之

一謹言 今人相對不論人家長短便道官府是非甚至私議君親發揚兄弟之過此風日趨澆漓又有動輒講語粗魯不堪聞聽者不知我欲議人人亦議我且也講粗則習於下賤其褻多矣

一處事 處事有差多由自占便宜圖利益之心太過不思事之所在必有對順與逆對厚與薄對簡與繁對靜與鬧對平與險對讓



與爭對臨事裁之必從其長就其順者厚者簡者靜者平者讓者則心安身樂家亦昌裕但人多不信徒自取困耳

一忍氣 每見人甚樸吝及有訟事傾貲不計何也勝負在前刑威在後不暇計焉况一家有訟至累數十家安得不貧嘗問訟者曰何爲則曰受氣不過因諭之曰夫謂受氣一人耳一入公門受關者氣下獄受囹者氣推勘受證者氣胡一不受而受十耶

一戒爭 不平之事不順之人雖盛世不能無惟可忍則忍則人皆可處若因小致忿集衆角爭連年構訟傾家亡身此通世之弊吾揭尤甚所宜痛省

一淫賭 歷觀夫世未有淫慾而身不夭病者未有賭博而家不傾敗者古人云生人之門卽是死人之戶又云不勞而得亦不勞而

揭陽縣志

卷之七

風尚

五

失愛身愛家者細思之

一自立 富貴人之同欲爲貴可尊富可愛也今有富且貴而人皆怨惡唾罵之者以其不善也有貧且賤而人皆愛敬稱揚之者以其善也然則人能爲善則無爵而可尊無業而自足此人人皆有之珍欲之斯至矣

附錄邑紳吳繼喬論宴會

司馬溫公曰近日士大夫家酒非內法果非遠方珍異食非多品器皿非盈案不敢會賓友常數日營聚然後發帖苟或不然則人以爲鄙吝故不隨俗者鮮矣予觀今日爭奢競靡至跋燭之際猶列薦不已豈惟客不知味雖主亦莫知也使穀核狼藉經宿腐敗雞犬不食嗚呼以有限之財置無用之地果何爲哉嘗觀古人一肉一魚一菜



一茶一飯之說甚爲真率至於慶宴果餚不過五品惟菜無數惟酒無量略其虛文務從簡實蓋會數禮勤物薄情厚鄙吝之誚不足計也故曰省費以養財



歲時

夏正首建寅時豳風獨詳月令歲莫美於甘雨和風禮不廢乎祈年報享雖五方之俗各異而四序之調維均法天治者與民偕樂也

立春前一日迎春多裝故事謂之扮景觀者塞途土牛過爭以荳穀果粒拋擲之甚有用瓦礫者至期鞭春爭取土牛歸以其利六畜是日祭先祖

元旦祀先饌用齋祀畢家衆以次拜慶二之日祭用葷族里咸相過崇飲爲歡至五日方止四日之夜各設菓酒諸神之前俗謂迎神下天五日以後鄉人儺謂之禳災縣市亦然天啓間士民賽扮故事備極華麗以迎關帝城隍遍歷街巷以後每歲皆然

上元張燈樹放烟花扮入景舞獅子坊間俵謎士民集而猜之中者有賞婦女兒童度橋投塊謂之渡厄或採青拾瓶嘴以歸取義宜男鄉村架鞦韆爲戲鬪鞦韆歌善者勝元宵後送燈於晚嗣者鄉村送鞦韆竹歡飲徹夜

仲春祭先祖是月多演戲諺謂正月燈二月戲上巳登山飲酒謂之踏青多遊黃岐山諸巖

清明掃墓松楸邱隴間遍懸楮錢謂之掛紙

四月八日浴佛老嫗多入菴禮拜

端午祀先釀角黍插艾飲蒲酒採百草爲湯以浴身汲江水儲之謂之節水經久不敗自一日起至五日江潯競渡龍舟或以花紅賞捷者官府士夫各設酒饌往觀



七夕晒衣祭房中神報產育功夜乞巧具酒集飲

中元祀先於諸寺先期釀金作盂蘭盆會

仲秋祀先如春祭

中秋翫月陳酒饌或剝熟芋而食謂之剝鬼皮兒童多拾瓦片結塔  
燃之爲樂是夜喜晴明倘陰曠則卜來歲元宵之雨故俗有雲蓋  
中秋月雨潑上元燈之語

重陽俗不重登高士夫好事者或爲之是月兒童多放紙鳶

十月多造麵蓄米

冬至祀先用米圓又黏於器物屋柱花果上謂之飼耗

臘月二十四日祀竈及諸神俗謂之送朝天

除夕祀先畢設火井於廳事席地團坐以餛飩謂之圍爐爆竹放炮以

辟邪鳴金吹螺以禳盜掃除陳設以俟質明行歲首事



# 氣候

天地之氣運乎四時配乎五行而辨於九土南方之位屬離於德爲火火者日之精也古者堯宅南交已概粵而言也析因之序由來遠矣昔人言山氣多男澤氣多女風氣多聾谷氣多暗林氣多癖木氣多偃石氣多力然地氣本乎天天氣尤成乎人昔者嶺外山川類多烟癘今且轉而明秀豈其氣異哉節宣之道得故祥和之徵應耳

揚越之地天地盛德寄旺於火故曰炎徼也其土少陰多陽一歲之間暑熱過半如水火受令啓天地之房其生物常早正月桃李花二月螻蛄鳴蚯蚓出王瓜生苦菜秀之屬然生而不堅其氣常泄也金水司令固天地之藏其收物常遲九月禾稼登十月水始涸蟄蟲坯

## 揭陽縣志

### 卷之七

氣候

### 九

戶草木黃落之屬蔽凍不密氣不收斂也四時常花三冬不雪微霜不殺草濕蒸中人多寒熱之症煖風所至百勝時起此四時之氣候也一日之間雨暘寒暑頃刻輒易或沉陰連晝暑濕驅人或隆冬且扇或一雨成凍或晝燠夜寒此一日之氣候也山居嶺壑盤鬱氣多瘴毒嵐烟四塞停午不開暑雨衝激暴而成瘴其中於人也多生疾或黃羸足重偏枯癖疥不一瀕海地氣稍舒海濤噴薄暴風來格此山海之氣候也要以近山多寒近海多煖雨則寒晴則煖韓昌黎所謂四時皆若夏一雨便成秋是也又地處東南性卑濕屋宇多生白蟻衣服易生白黴土氣所蒸也土人常茹芙榴以辟瘴氣喜着木屐以遠濕氣有曰急脫着勝服藥言攝生不失時也當夏秋之交海多颶風颶者具四方之風也其作斷虹先兆謂之颶母海氣沸騰水禽



遜跡間日狂飈震撼毀屋拔木徙舟於陸浮苴棲於樹其勢起東北而竟西南謂之蕩西又謂之迴南或一晝夜而止或二三日乃止蘇子瞻有颶風之賦論之核也又有石尤風俗呼爲烏電其作黑雲翔湧猝起俄頃舟行避遲或多覆也又夏月暴雨風起飛沙勢如萬馬謂之青凍俗呼爲奔龍風觸之皆令人感逆氣此風之異也其常率多南風臘除而作謂之送年南也北風驟作謂之暴北也有曰朝北暮南子夜東又曰朝三暮七子夜不踰日以時占也潮長則風生潮平則風止以潮占也推之濱海諸縣無不皆然不獨揭陽如是也凡氣候五嶺皆同揭邑環水而居嵐瘴之氣稍解然暑濕特甚戶不鑿井就飲於河洋田少陂道以河灌溉清明後失雨坑泉涸海水溢入早歛不登民飲生病春深及夏秋之交多雨又足爲患或

揭陽縣志

卷之七

氣候

十

上天同雲霏霏連陰或東望雲雷雨溢西則否或南望雲雷雨溢北則否或滌炎如焚暴雨亟至傾盆疎點或旦日雨漂日光閃閃而下久之土潤溽以煖蒸雨鬱陰而沉伏是生菌蠹或長螟蝥士苦於藏書農苦於害稼蓋交嘆焉又如颶風暮發海水暴漲漂溺廬舍尤所深苦嗟夫地則然矣神天鞭石非其術也鄭洪之車或可隨雨元石之語或可歌晴時若之徵端賴調燮之有道耳

昔有爲廣東月令者雖近諧謔可比汜勝之言農亦官斯土者所宜知也附錄於後

春正月桃李花盛柔桑可採二麥黃老圃種薑剪韭田功旣興

二月雷發聲虹蜺見魚苗生蜺降於霧木棉橘柚華是月也以農

功畢作



二月雷發聲虹蜺見魚苗生蜺降於霧木棉橘柚華是月也農功畢作

三月溫風至梅子熟檳榔苞拆催耕鳴田蛙鼓吹

夏四月榴火明榕成蔭紫菱照水樹蘭綴珠白雨以時至

五月朱荔熟椰含漿蟬大噪鉤割鳴年早禾登場

六月白雨足西潦至颶母乘潮芭蕉垂荔枝早熟是月也新穀既

### 登亟播晚種

秋七月秧針碧蓊田浮蝴蝶營繭是月也暑始酷爍石流金

八月木芙蓉花梨栗熟芋可剝粘始穫河豚乘潮至

九月木犀瘴發紅蓓登白欖落嘉魚出於峽大粘始穫菊有黃華

冬十月嶺梅開入蠶功畢橘柚垂實潮田盡登是月也霜始下氣乃

### 揭陽縣志

卷之七

氣候

十一

### 寒

十一月桃始華冬笋出風漸肅鷓鴣蔽葉山花時茂畚田播種是

月也農斂穀屯囷涸塘以漁

十二月水仙來賓梅乃大放風蘭賀春青陽漸暢草木萌動

又觚臚廣東月令與上所載互有異同并錄之以盡氣候之變

春正月蜃氣成樓水仙來賓荷錢浮於水二麥黃木葉微脫

二月蔗初芽蕨拳舒粉魚苗生蜺降於霧木棉吐英

三月杜若芳石蚶揚葩江鷗避風孔雀之尾開金檳榔苞坼

夏四月佛桑紅綻高榕蔭日仙掌立鯊入山麓化爲虎

### 樹蘭綴珠

五月荔枝丹菩提舒葉椰含漿羣蟻朝其祖鉤割鳴年



六月白雨足西潦至芭蕉子垂苦瓜入饌早禾乃登

秋七月秧針重碧龍眼熟蝴蝶營繭素馨結爲燈薤田浮

八月鷗母息影茶徙蠅於樹紙鳶翻風黃柑分指河魴乘潮上

九月紅薯登白欖落嘉魚出於峽南燭迎社香門開

冬十月耕牛放閒八蠶之功畢嶺梅芳橘柚錫貢銀河夜見

十一月桃李花鷓鴣蔽葉黃雀復爲魚巖蜂聚糧瑞香霏雪

十二月蚊不絕吟池塘涸稚笋出風蘭賀春奮雷有聲



方言

粵東各府聲音大約相近惟潮郡與閩之漳泉同揭潮屬邑也亦囿於俗往往有其音而無其字與諸郡之語每不相通如天曰梯風曰荒雲曰溷雨曰后露曰漏江曰岡水曰嘴田曰殘禾曰宙頭曰桃髻曰莊鬚曰秋鼻曰鄙耳曰繫手曰醜胸曰興脚曰卡鴨曰啞牛曰悟船曰尊石曰爵飯曰畚煙曰芬茶曰爹粥曰糜肉曰溺醋曰湊麻曰瞞棉曰縻綢曰紂紗曰些書曰資硯曰意帽曰磨袍曰襖衫曰沙褲曰寇鞋曰哀靴曰蝦樓曰勞瓦曰下窗曰廳人曰狼我曰瓦富曰布貧曰敬一曰卽二曰糯三曰沙四曰細五曰耦六曰落入曰撥九曰槁十曰雜皆字與音全相反者稱父母翁姑俱曰亞爹亞姆叔曰則姊曰者稱姪曰孫稱媳曰心布翁稱壻曰亞郎壻稱翁亦曰亞爹壻

揭陽縣志

卷之七

方言

十三

之兄稱曰且大壻之弟稱曰且郎稱妻之兄弟曰亞具往往用亞字發端稱宦家子曰某舍稱故家子弟曰某爹稱謂相沿不改有創爲意義者如謂婢女曰竈鬼謂房屋曰厝謂灰曰火膚謂室女曰某娘謂朝曰眠起夕曰夜昏之類是也有字不同而音同者如天添啼皆讀作梯扇四世皆讀作細燭叔責皆讀作則交侯皆讀作高之類是也有同一韻而音各別者如陳臣一韻而陳讀作丹臣又讀作新錢前一韻而錢讀作賈前又讀作哉樓幽一韻而樓讀作撈幽讀作休西啼一韻而西讀腮啼讀梯之類是也有顛倒互易者如鄭讀作鄧鄧讀作鄭之類是也其屬於山者語又不同謂無曰冒我曰礙溪曰堦嶺曰諒其蜓人則謂飯曰邁筯碗曰愛瓦盆曰把浪拿網曰含網峯人謂火曰桃花溜溜謂飯曰拐爌



文義

尺牘詩文中字體之變殊難悉數如坐爲𡗗音穩短爲𡗗音矮瘦爲𡗗音芒

山之巖洞爲𡗗音勘水之磯激爲𡗗音聘蓄水之地爲𡗗音圖切通水之道爲

圳音屯去聲水之曲折爲𡗗音瀾瀦水之處爲𡗗音即路之險隘爲卡音儀隱身忽

出爲𡗗音閃截木作墊曰不音教上聲門上橫木曰𡗗音拴物之脫者曰𡗗音倫切子

之晚生曰𡗗此皆隨俗撰出者也按此文郡志所錄然方言俗字大

江南北亦同之不獨潮中爲然大抵音本有古字因音畧異遂別撰

字以實之雖中土皆然自宋以來小學廢文人學士俱沿俗說不獨

邊方也如版本音通後譌奏版爲奏本手版爲手本路一程爲一棧

譌爲一站宋元史俱隨俗書之迨今竟成故實如此等類不可勝舉

亞本爲阿阿子汝聞見之古樂府不自於今今吳越中於父母兄嫂

揭陽縣志卷之七

方言

十四

之稱亦加阿字何以云潮爲異至於僞字如華爲華泥爲坭誕爲誕  
循爲循教爲教茲爲茲鄰爲隣悵爲張貺爲脫曷爲曷聞爲𡗗徊爲  
徊激爲激鞋爲鞋菴爲菴般爲舩𡗗作𡗗之類皆承訛襲陋  
而不知其非者也至於坭塹𡗗峯等字則惟潮人獨撰已成習用矣



物產

炎方珍異所輳金山珠海夙稱天子南庫土物之魁殊者不勝臚指稽含草木楊孚異物范成大桂海虞衡詳哉其言之矣揭邑雖濱海而山林川澤之利甲於通郡則盡地力窮物宜以導民樹藝而安居正未略而弗講也書云惟土物愛厥心臧老子云聖人不貴難得之貨誠如是又奚必巴旦杏代漏龍能言鳥始乃稱珍耶

穀蔬

稻 穀之總名也揭多早稻春種夏收再下種而十月穫者謂之晚稻有赤白二色有占稻俗名黃占白占赤占埔占抱龍占其云占者宋眞宗時聞占城稻耐旱遣使求其種得十石以遺閩粵之民糯稻 古今注曰稻之粘者爲秣卽糯也南方水田多種之

揭陽縣志

卷之七

物產

麥 有大麥有小麥嶺南多稻而少麥多小麥而少大麥作麩亦不如北土

蕎麥 莖弱而翹然易長易收農書云北方磨麩作煎餅或作湯餅滑細亞於麥麩南人但作粉餌食

粟 說文曰粟嘉穀然非粵土所宜蓋間有之耳爾雅翼曰穀之最細而員者爲粟古無粟名以梁統粟非二物也

菽 總名爲豆角曰莢葉曰藿莖曰莢有青黃赤白黑五色又有綠豆柳豆烏眉豆花眉豆

扁豆 一名蛾眉蔓生花如小蛾莢生花下花有紅者白者白者可入藥性揭呼爲烏子豆

刀豆 一名挾劍豆西陽雜俎云樂浪有挾劍豆莢生橫斜如人挾



劍卽此豆也

胡麻 卽芝麻葉名青蘘莖名麻蕒沈存中云胡麻卽今油麻

薏苡 亦曰薏珠揭惟山鄉間有之

薤 一名藟子一名火蔥韭類也故字從韭因根白呼藟子收種宜火薰故又呼火蔥杜詩云東北青芻色員齊玉筋頭衰年關格冷服食更無憂言其性溫補也

蒜 小蒜也外國有蒜十子一株名曰胡蒜俗謂之大蒜說文謂之葷菜

菘 今人呼爲白菜有二種一曰箭竿白莖圓厚微青一曰黃芽白莖扁薄而白葉皆淡青白色

胡葵 莖葉柔細而根多鬚張騫使西域得種歸故名胡葵西方書

揭陽縣志

卷之七

物產

二

名興渠爲五葷之一

芹 菜宜在水潮地多生於野有白芹赤芹並堪作茹

菠薐 本頗凌國之種西僧將子來者語訛爲菠薐耳其根赤其葉多凹凸唐太宗時尼波羅國獻菠薐菜莖紅藍實如蒺藜火熟之能益食味揭人多於秋末冬初種之

薺菜 一作甕菜本生東夷古倫國番船以甕盛之故名甕菜稽含草木狀云葉如落葵而小幹柔如蔓而中空種於水中如萍根浮水面隨水上下南方之奇蔬也

莧 埤雅云莧之莖葉皆高大而易見故字從見有紫莧有赤莧揭人兼種之惟馬齒莧不種而蔓於野故易曰莧陸

茼蒿 李時珍云形氣同於蓬蒿葉似艾花如單瓣菊一花結子近



百成毬八九月種冬春可食

蕨 初生紫色似鼈脚長如小兒拳連莖可食掘根搗水澄粉可作  
柜紋爾雅周秦曰蕨齊魯曰鰲狀如雀足之拳又如人足之蹶方  
書云凡負荷者不宜食令人脚軟

蘿蔔 本音來北郭璞云蘆菔音羅北冬月名土酥性能消食尤制  
麪毒揭人呼爲菜頭

笋 爾雅謂之竹萌說文謂之竹胎唐人食笋詩稚子脫錦襦駢頭  
玉香滑註稚子卽笋也粵笋多苦又一種苦竹所生謂之苦笋味  
以苦勝

芋 葉似荷而長莖可作臙菹根大者曰魁小者曰子史記岷山之  
沃野下有蹲鴟至死不饑注芋魁狀如鴟之蹲坐也揭之山鄉多

揭陽縣志

卷之七

物產

三

種芋貧人藉以爲糧

諸 卽薯紫莖綠葉花穗淡紅一名山藥有白薯黃薯蘇木薯薑薯  
芥藍 葉如藍而厚青碧色一名芥蘭以其味與芥類花與蘭類也  
絲瓜 天羅乃絲瓜也土人呼秋瓜因其種自南方來故又名蠻瓜  
苦瓜 一名菩達一名錦荔枝一名癩葡萄皮上排瘤如癩詩云有  
敦瓜苦是也

地芝 卽冬瓜漬糖名曰瓜珀揭邑棉湖所出最佳

南瓜 種出南番轉入閩浙葉如蜀葵大如荷葉員如西瓜色老而  
黃身有稜經霜收置煖處可留至春

越瓜 俗名竹瓜仲春下種生苗就地引蔓花葉如冬瓜而小瓜有  
青白二色醬豉糟醋皆宜



黃瓜 俗呼吊瓜人皆以月令王瓜生卽此誤矣瓜長至尺皮有痞癰老則黃赤色生熟皆可食

西瓜 實大如斗皮青肉紅味甘如蜜揭人多取以漬糖名曰西瓜糕又有收藏法三四月間當入市

蒼蘆 俗呼厚末葉厚而柔本草謂其補中下氣

香葦 水生爲葦土生爲藎俗呼爲菰

藎 水中野韭也考水韭曰藎水蒜苽

茄 一名發蘇其色白山谷詩云君家水茄白銀色亦有紅者隋煬帝稱崑崙紫茄

### 果木

荔枝 亦名離支趙陀時嘗以獻漢高帝答以葡萄宮錦其品甚多揭陽縣志 卷之七 物產 四

揭中所產惟鳳花黑葉綠荷包焦核而已

龍眼 一名荔枝揭鄉多種之味甚甘如廣州之十葉爲價甚廉劉屏山詩云香割蜜脾知韻勝價輕魚目爲生多

柑 柑有數種曰雪柑曰蘇柑曰乳柑曰朱紅柑曰蜜桶柑揭以蜜桶蘇柑爲最

橘 有金橘有珠橘有羊矢橘生山中俗呼山柑又有四季橘四時結實花亦香美揭人多以爲橘醬爲糖橘爲鹽橘

柚 釋名櫛爾雅作條唐稱壺柑一名朱欒肉有紅白二種惟花色白揭有一種名斗柚色香甲廣南

橙 亦橘屬皮香揭人切與檳榔合食漬糖以作橙丁

香櫟 皮似橙而金色氣極芬香肉厚白如蘆菹形長如小瓜俗多



漬糖作片

佛手 狀如手指色黃揭所產尤奇徑尺許香甚清

李 李味酸屬肝東方之果也今揭所產者有紅李烏李臘李

梨 梨之美者多生於北方揭中惟青皮蜜梨久留樹中者稍美其

餘如黃霄梨及俗所謂紅花梨者皆不足數也

酸棗 一名槭一名山棗味極酸潮郡惟揭有之

柿 卽君遷子赤實果也子如馬乳西陽雜俎曰柿有七絕一壽二

多陰三無鳥巢四無虫五霜華可玩六佳實七落葉肥大又有一  
種小而無核者謂之牛奶柿南方多晒以作餅

橄欖 一名青果土人以代檳榔家常作糝切絲以當蔬其味先澀

後甘故稱諫果蘇東坡詩待得餘甘同齒頰已輸崖蜜十分甜揭

揭陽縣志

卷之七

物產

五

橄欖四時俱育他處無有

烏欖 一名木威子土人取其肉醃爲菹名曰欖豉色如玫瑰

羊桃 一名三斂子亦有五稜者南人呼稜爲斂色黃味酸實出枝

幹上揭俗多搗作糝東坡詩恣傾白蜜收五稜

甘蔗 通雅曰甘蔗亦曰諸蔗亦曰都蔗或作𦵏𦵏揭所產者曰竹

蔗可榨糖又有蠟蔗此僅可啖耳

蕉 俗稱牙蕉亦名芭蕉實可食揭人婚禮多用之取其義曰招子

亦謂之甘蕉漢破南越建扶荔宮實奇草異木有甘蕉二本又有

謂績蕉者靛藍二都山人種以爲布

葡萄 折藤壓土卽生繁陰茂密人多栽之以蔽日潮種小而味酸

菱 菱卽芰也武陵記兩角曰菱四角三角曰芰



落花生 俗名地豆亦名仙豆以其花實不相見也揭中市集皆是  
烏芋 俗名勃薺又呼爲尾結葱善毀銅合銅錢嚼之則錢化

水松 俗呼爲水棉葉如松身如柏種水中益茂其幹得松十之六  
其枝葉得松十之四揭惟城隍後庭二株爲最古

杉 爾雅曰披赜邢昺曰俗作杉揭所產惟土杉凡作屋樑之用者  
皆取於閩

木棉 南粵王趙陀稱爲烽火樹花時無葉一望如火光枝幹拏攢  
狀如珊瑚樹花後落絮如棉故又名木棉

刺桐 一名頽桐初夏開花極鮮紅名爲紅鸚鵡葉可肥田揭人多  
種之以作園基

榕 土人呼爲松以其不凋如松也葉細而繁無花而多子子可食  
揭陽縣志 卷之七 物產 六

下有根如茯苓亦可食又墻屋上皆生榕名爲鳥松謂鳥所種也  
揭最多榕故名爲榕城云

楝 卽苦練也爾雅翼曰木高丈餘密葉如槐而尖實如鈴木理中  
黑土人多取其木爲屐板

梲 似柿而青黑可以作漆理雨傘

槐 槐虛星之精莊子槐之生也李春五日而鬼目十日而鼠耳更  
旬始規二旬葉成其花可以染物

欒 一名栟櫚木高三丈葉如車輪皮可作索

### 花草

蘭蕙 爲王者香香之祖也揭所種者皆蕙爾雅翼云一幹一花者  
蘭一幹數花者蕙蘭以素心者爲上極蘭次之



賽蘭 一名珍珠蘭楊慎曰賽蘭小如金粟香特馥烈戴之髮香聞十步卽佛經伊蘭也

樹蘭 俗呼五葉蘭種傳自暹羅樹高丈餘花如珍珠香清而遠不能過嶺

玉蘭 卽宋人所名迎春也花開如玉樹

木蘭 卽辛夷俗名木蓮又名木筆花似玉蘭而紫初發如筆甘泉賦云列辛雉於林薄注辛雉辛夷也

倒掛蘭 名風蘭花出葉心抽出雙朵不着土而生中有涎婦人取以光髮亦可治產難

梅花 南天氣暖花多開於十月最艷者曰紅梅又有蠟梅者原非梅因其與梅同時香尤相近色似蜜蠟故耳

揭陽縣志

卷之七

物產

七

桃花 揭陽未春已花有重瓣白色者曰碧桃重瓣紅色者曰紅桃鮮妍可喜者曰緋桃王十朋云桃李漫山臧獲視之蓋言其多而不足貴也

蜀茶 有紅白二種其大如盃瓣有重臺交覆亦有紅白相間者俗呼川茶百葉而攢簇者曰寶珠花紅而有稜者謂六角

海棠 花以海名者悉從海外來海棠有三種曰貼幹曰西府曰垂絲又有草本生於砌下者曰秋海棠

茉莉 香甚酷烈揭中有二種一籐本一木本又有花重臺而大者曰番茉莉

合歡 一名青棠花白而香烈至夜則合又名夜合唐趙宣妻於端午節取以浸酒宣悶時與飲卽歡



含笑 花似夜合而小半開則馥烈大開則香減開常以薄暮凌晨則香歇矣白瓣如蘭自輔其頰故曰含笑丁謂詩草解忘憂憂甚事花名含笑笑何人

瑞香花 樹高三四尺綠色昔廬山比邱夢中聞花香覺後尋得之因名睡香東坡詞領巾飄下瑞香風驚起謫仙春夢兼用瑞睡二義也

薔薇 花紅而香身多刺王志遠詩頗有稜稜鱗角意等閒不敢插銅瓶如今劍俠皆安在獨隱芳叢帶笑傳

酴醾 藤身青莖多刺青蚶紅萼及開時變爲白香微而清宋人絕重之詩云玉斧無人解修月珠裙有意欲留仙

紫薇 俗謂之怕癢花搔其本枝葉皆動

揭陽縣志

卷之七

物產

八

朱槿 花莖葉皆如桑樹高止四五尺花深紅色五出大如蜀葵日開數百朵可蔬食補血於婦科尤宜

牡丹 一花百蕊狀如繡毬紅如剪綵

扶桑 枝葉似桑諸色皆備花開四時不斷一花開落一蒂復生卽佛桑也但有單瓣重臺之異耳陳祖虞詩滿眼燒空紅燄燄何妨喚作牡丹看

蜀葵 花似木槿爾雅所謂葍戎葵也花可食

雞冠花 佛書謂爲波羅奢花有紫白二色有紫白相間者其狀如雞冠一種矮者俗謂之七寸金卽玉樹後庭花見蘇子由詩注

鳳仙花 花不一色狀如小鳥自夏徂秋開落相續子大如櫻桃動之卽裂故名急生子花可染指甲又名指甲花



鹿蔥花 宜男草也稽含有宜男花序又名萱

鷹爪蘭 藤生花淡黃色六瓣兩臺末銳如鳥爪故名鷹爪

剪春羅 苗高尺許柔莖綠葉花大如錢深紅六出周迴如剪一名碎剪羅

落地金錢 一名子午花謂其午開子落也花紅色小如錢形故名

曰金錢

七里香 卽芸草葉類豌豆叢生秋間凝白如粉未開時似木犀開時香甚穠能辟蠹

玉蝴蝶 葉似菖蒲而大其花一莖數蕊與蝴蝶相肖

罌粟 花重臺微似牡丹而小有深紅淡紅純白藍紫洒紅者色常變幻蘇子由有食罌粟詩

揭陽縣志

卷之七

物產

九

百日紅 花狀如楊梅經久不變亦有白者

一丈紅 高可近丈花如葵紅色昔人有詩云五尺闌干遮不住猶留一半與人看

荷 芙蕖也嶺以東有六種有全紅者純白者錦邊者紅邊者單瓣者千層者

菊 禮記菊有黃華今黃白紅紫諸色俱備又有正月開者名曰元宵菊花只紅黃二種

龍鬚花 花赤如秋海棠中心垂絲以端午開故俗名龍船花葉能消百毒

山梔 花色白六出實七稜香甚清釋氏謂之薝蔔林

七姊妹 與十姊妹皆與薔薇相類花開藤上如結袂連襟故以姊



妹名之有咏之者曰漢宮姊妹多相妬不見春風姊妹花

茅 茅類甚多揭人呼茅也爲芒細民用以蓋屋然茅芒實二物也

鹹草 卽爾雅芒夫郭璞注云芒草生海濱南越人取以爲席

芒 爾雅芒杜榮郭璞注云草似茅皮可爲繩索詩曰雖有絲麻無棄菅蒯卽芒也今土人用芒織屨

藻 韓詩外傳沉者曰蘋浮者曰藻郭璞云江東謂之藻五月作白花故又謂白蘋

萍 江東謂之藻月令仲春之月萍始生有水白水華水蘚水簾之名

蒲 埤雅曰水草也生於水涯滑而溫者可爲席

蘆 爾雅注蘆葦也邢昺曰葦卽蘆之成者

揭陽縣志 卷之七

物產

十

野葛 俗名斷腸草根名野葛葉名鈎吻南方草木狀以薤汁滴其苗當時萎死服此毒者當用蜜灌之或生羊血或人糞吐出可不死

薜荔 屈原九歌被薜荔兮帶女蘿生於石曰石鱗生於地曰地錦繞叢木者謂之蔦蘿

知風草 其形如蘭如上截生節則上半年有風下截生節則下半年有風

鼠麴 葉似馬齒莧上有白毛多生田中土人雜米粉作糗

竹藥

笙竹 山經註曰笙竹大圍二尺長四丈多筋而堅細揭人取以製器甚精巧



慈竹 述異記云南方有子母竹生不離本今慈竹是也宋子京曰根不他引是得慈名

猫竹 猫者方言也義無所取其質堅勁大者如斗南方百器多需之

麻竹 廣州記石麻之竹勁而利削爲刀可切象皮

黃竹 小而色黃一名界金竹

斑竹 青竹間有斑點而無螺紋

赤竹 王彪之賦曰竹則包甘赤苦圍二尺而皮赤

紫竹 榦如指紫色取其中度者可以製簫

綠竹 綠竹竹之概稱也揭另有一種葉生繁茂最多笋

苦竹 齊民要術曰有青苦白苦黃苦紫苦之分孟浩然詩風霜苦

揭陽縣志

卷之七

物產

十一

竹餘

觀音竹 高僅踰尺榦如簪股細葉蕭疎盆中近玩

桃枝竹 皮葉如栟櫚長可丈許杜詩云江心蟠石生桃竹去根削

皮如紫玉土人呼爲棕竹

人面竹 華夷考曰節密而凹宛如人面作杖甚佳顏色可愛一名

佛眼

淡竹 圖經曰甘竹似篁而茂卽淡竹也

箭竹 爾雅曰篠箭謝靈運二箭殊葉注云苦箭大葉箬箭小葉所

謂東南竹箭也

益母草 爾雅云萑葢郭璞註曰今茺蔚也又各益母葉似艾莖類

火麻花紅紫色甚利婦科故有益母之稱



菖蒲 一名昌陽其本芳辛切之爲菹謂之昌歎典術云堯時天降精於庭爲韭感百陰之氣爲菖蒲故曰堯韭

菰發草 治風之聖藥也以紅梗爲佳詳見本草

車前草 卽詩所謂采芣苢其性滑利能治濕熱風熱諸症俗又名田罐草

蒼耳 爾雅曰卷耳葉青白似胡葵白華細莖子如婦人耳瑯

紫蘇 爾雅曰蘇桂荏陶宏景別錄謂葉下紫色而氣甚香又有白者謂白蘇

薄荷 圖經曰莖葉似荏而尖長能去皮膚風熱

木鱉子 實似蒺藜而大肉上有刺核如鱉有毒不可食然去油便可入藥

揭陽縣志

卷之七

物產

十二

蛇牀子 爾雅吁虺牀卽蛇牀子也

旱蓮草 烏髮固齒其草柔莖斷之有墨汁故俗名墨菜細實類蓮房

天門冬 山海經作薺冬爾雅曰髦顛細葉有刺蔓生

麥門冬 葉如韭四季不凋根有鬚作蓮珠形久服輕身一名禹餘糧

三奈 根似薑而軟脆性熱消食揭山鄉種此爲利

決明 樹如槐花黃白色秋深結實如青綠豆補肝明目有二種葉晝開夜合者爲馬蹄決明葉夜不合者爲茝芒決明

使君子 卽留求子五月開花紅色狀如梔子有五六稜瓣而兩端銳長如榧味甘能消積食



香附 卽青莎根一名雀頭香離騷青莎雜樹兮蘋草薶靡

金櫻 類薔薇叢生引蔓有刺色白心黃止遺泄

苦參 名地槐苗三五尺葉碎青色如槐花黃白實如小豆一名崑

崙草味至苦治風熱瘡疹

草麻 有紅白二種子大如豆可療風

小茴 草名叢生肥莖綠葉其香在子本名慈謀勒俗呼小茴香

土茯苓 卽冷飯團也陶隱居云昔禹行山乏食采此充糧而棄其餘故有此名

葛根 圖經曰五月五日采根晒乾以入土深者爲佳其功止渴解酒表邪發疹

艾 一名冰臺一名黃草一名艾蒿以五月五日採者可灸百病

揭陽縣志

卷之七

物產

十三

金銀花 葉如薜荔蔓生花黃白相間其性可解百毒

桑寄生 爾雅曰寓木宛童大者曰蔦小者曰女蘿

蒲公英 有細刺抽莖作花黃如金錢開罷飛絮隨起絮中有子

香薷 八九月開花似白蘇而葉細一作香薷生山谷石上者尤佳

甘菊花 日華本草曰花大氣香莖紫者爲甘菊此日精也花小氣

烈莖青味苦爲野菊

千里及 藤生道旁籬落間又名黃花演味苦而平能治疫瘴瘧痢

諸症

半夏 生於五月一名地文一名水玉葉似竹皮黃肉白以松香等分爲末可治刀鐵虫蛆諸傷

鳥獸



雞 玉衡星散爲鷄徐鉉曰雞稽也能考時也揭雞骨剛韌味劣啼多應潮故名潮雞李德裕詩三更津吏報潮雞

鵝 爾雅謂之舒雁一曰蒼鵝唐僖宗好鬪鵝一鵝至值錢十萬揭人亦以鬪鵝爲戲其不善鬪者謂之菜鵝

鴿 大寶遺事張九齡少年時家養羣鴿每與親知書信往來只以書繫足上依所教之處飛往投之目之爲飛奴

鵲 禽經曰俯鳴則陰仰鳴則晴人聞其聲則喜故云喜鵲

烏 孝鳥也純黑而反哺者謂之慈烏腹白不反哺者謂之鴉

鳩 禽經曰拙莫如鳩鄭箋曰鳥之謹慤者一意於所宿之林故稱一宿鳥有綠鳩似斑鳩而色綠自廣西而來相傳每年九月黃鳥化爲之

揭陽縣志

卷之七

物產

十四

雉 有數種青質五色曰鷄雉長尾走且鳴曰鷄雉黃色自呼曰鳴雉似山雞而小冠曰鷺雉五色成章曰翬雉

錦雞 博物志云有美毛自愛其采終日映水

鷓鴣 常自呼其名向日而飛畏霜露早晚稀出有時夜飛則以樹葉覆其背上南越志謂鷓鴣雖東西迴翔然開翅必先南翥故又名越鳥揭惟湯坑有之

畫眉 似鶯而小黃黑色兩眉特白長而不亂者善鳴毛短者善鬪其聲善轉如百舌

竹雞 小於鷓鴣毛羽褐色多班赤文自呼泥滑滑一名山菌子性好食蟻諺云家有竹鷄啼白蟻化爲泥

山鵪 大如鳩蒼色兩腮圓點黑白相映上下不定日作百聲土人



多養爲近玩

百舌 能隨百鳥作音春轉夏止惟食蚯蚓又名反舌禮記仲夏之月反舌無聲

秦吉了 彩毛紺黑丹味紅耳頭有黃肉冠頂一縫如分髮午日剪舌能作人言比鸚鵡尤慧

翡翠 爾雅翡翠鷁也雄赤爲翡雌縹爲翠合之碧色翼尾俱十二條

杜鵑 一名子規博物志杜鵑生子寄他巢百鳥飼之禽經注杜宇啼苦則自懸於樹自呼名曰謝豹其聲曰不如歸去一名怨鳥

鶯 黑眉紅嘴脚青遍身黃色羽及尾有黑毛相間三四月鳴聲音圓滑一名倉庚一名鶯黃一名鸝鷁一名鸝庚

揭陽縣志

卷之七

物產

十五

雀 曹植賦曰頭如顆蒜目如襞椒躍而不步一名嘉賓言棲宿簷瓦馴近階除如賓客也

鸛鷁 莊子曰鸛爲鸛鷁爲布穀布穀復爲鷁此物變也

鵲 鵲與鷁其形相似鵲色黑無斑始由鼠化終復爲鼠夏有冬無鷁毛有斑點始由蝦蟆黃魚化終以卵生四時常有今通呼爲鵲鷁矣

鷺 埤雅頂上有毛髮長尺餘欲取魚則弭爾雅謂春鋤李昉名雪客杜牧擬以風標公子

燕 爾雅燕乙也齊人呼爲鳬詩謂元鳥月令仲春元鳥至

白頭翁 似瓦雀而尾稍長頭有白毛諸葛恪在吳主坐有鳥飛過恪曰白頭翁張昭疑其譏己請覓白頭母



信天翁 水禽性喜魚而不能捕候鷹所得魚偶墜者拾食之  
霜降鳥 似雀尾長霜降將至羣飛蔽天羅者候黃昏於稻田一網  
可千數其味如鐵雀屆霜降入海化爲魚名曰角魚所謂雀雉入  
淮海化爲蜃蛤不虛語也

羊 孕四月而生腸薄而縈曲易林曰羊腸九縈是也飲乳必跪其  
母揭無綿羊止有草羊其色黑

犬 爾雅以犬未毫爲狗許慎說文以狗之有縣號爲犬逸雅南越  
犬名獫狁又有山犬蒼文赤色好食田果古所謂田犬也

豕 總名曰彘其子曰豚土人通謂之猪又一名粉猪出叢谷間獵  
者獲之價廉味腴

猫 爾雅翼小獸之猛者禮郊特牲迎猫爲其食田鼠也家貓尾長

揭陽縣志

卷之七

物產

十六

腰短目如金上鬚多稜提耳而身圓縮者良其睛可定時刻子午  
卯酉如一線寅辰巳亥如滿月申戌丑未如棗核鼻端常冷惟夏  
至一日煖

鹿 性警分背而食食則相呼羣居則環其角外向以防患山鄉中  
往往獵得之

麋 性善驚故名章章者倥偬也飲水見影輒奔麋大麋旄尾狗足  
好作聲其大者名麋皆鹿種類

猴 形似人而多智性躁有金絲者玉面者純黑者

獺 山獺出溪洞能解藥箭毒水獺名獬獺類青狐而小喙尖足駢  
能知水信善捕魚月令正月獺祭魚取魚水濡四面陳之不食謂  
之祭魚



狐 狐有黃黑白三種善爲魅元中記云千載之狐爲淫婦百歲之狐爲美女皆能迷人者也

狸 狸有數種大小似狐貓狸善竊鷄鴨虎狸食蟲鼠果實九節狸皮可爲裘領又一種白面狸善緣樹食百果

野豬 似家豬而大善害田禾牙利如鑱能與虎鬪漢景帝遊上林野燕入廁卽此

豪豬 卽山豬也山海經狀似豚而項脊有棘鬣長近尺粗如箸白本而黑端能振發以射人

鼠 鼠種有三其走如飛者爲烏鼠見人必掩而退者爲恥鼠惟前脚見人輒拱者謂之禮鼠昌黎詩云禮鼠拱而立又有田鼠俗名土鼯色花白其味頗美粵人嗜之

揭陽縣志

卷之七

物產

十七

鱗介

鱧 小口細鱗肥腹色白形扁畧似鮠魚一名曰鱣陸佃曰鱣好羣行

鱮 狀如鱧而色黑其頭最大俗呼爲大頭松

鮠 俗呼爲草魚畜池中以草飼之鱧鱮皆食其遺鮠之美在頭鯉在尾鱧在腹

烏魚 卽鰲魚形似草魚但色黑耳

鯽 一名鮓埤雅云此魚旅行吹沫如星以相卽也故謂之鯽以其相附故謂之鮓

鳳尾 俗亦呼刺潑諺云刺花菲刺潑肥盛於三四月邑人清明掃墓必買是魚



銀魚 一名鱠殘博物志吳王食鱠棄餘中流化爲魚亦名王餘

鱸 以冬初從江入海趨鹹水以就涼以夏初從海入江趨淡水以

就涼 鰻 埤雅謂之鰻鱧魚似鰻而腹大無鱗色黑腹白有脂膏揭於冬

天北風時最多又有血鰻土人甚重之 鱠 有黃鱠白鱠藤鱠三種藤鱠體有毛其味更佳黃鱠以小者爲

美白鱠卽鰻也 黃花魚 有黃白二種形似石首而大可充浙鯊俗云黃白二花味

勝南嘉揭人以其多不之貴也 沙魚 長二三丈圖經曰鮫魚種類不一揭止有胡沙白沙

石首 一名三牙一名金鱗爾雅名鰻魚頭中有石小者名春來

揭陽縣志 卷之七 物產 十八 河魨 土名曰乖狀如科斗大者尺餘背色青白有黃縷無鱗腮目

能睚者有毒烹飪不善食之每至殺人昔人所謂拚命食河豚是

也 蝦 溪澤江海間皆有之磔鬚鉞鼻背有斷節尾有硬鱗多足好躍

其腸屬腦子在腹外海蝦皮殼嫩紅色前足有鉗者色如朱其長

二三尺鬚長數寸者曰龍蝦頭與龍無異更大者鬚可爲杖殼可

爲燈其餘爲種不一有大蝦沙蝦赤尾蝦九節蝦又有略似龍蝦

而扁者謂之蝦姑 蛇 一名水母一名石鏡一名鱗形如羊胃博物志云狀如凝血縱

廣數尺無頭目腸臟以蝦爲目郭璞江賦曰水母目蝦是也 鰕 海上魚之最偉者今內地所有者乃泥鰕耳似鰻而短無鱗與



魚牝牡莊子所謂麋與鹿遊鱖與魚遊是也入秋最多

鮎 大首方口身薄無鱗多涎出流水者色青白出止水者色青黃故以灘瀨中者爲美爾雅別名鯢

鮠 土人名三黎魚盛於四月鱗白如銀腹下細骨如箭鏃味甘在皮鱗之交

魮 以四月至海上漁人聽水聲取之狀如鮠魚小首細鱗腹下有硬刺

比目魚 似牛脾色紫無鱗形扁而薄左目明右目晦喜貼沙上俗呼名爲貼沙魚爾雅云比目魚不比不行其名曰鰈吳都賦雙則比目片則王餘江東呼爲板魚臨海呼爲箸葉

板魚 片立合體俱行似比目而實兩種

揭陽縣志

卷之七

物產

十九

白鰮 風作卽浮於潮面其肉不可食其膏可燃耳

蒲魚 一名海雞卽鱒魚味甚美狀如荷葉無足無鱗

白帶 身薄而長至五尺無鱗如帶入夜有光

鯧 似馬鮫而小夏秋間至網之可數船醃以爲醬味頗佳音未詳

鱻魚 形扁細鱗味甘所謂淮泗貢鱻魚卽此揭四時皆有之

魮魚 鱸之別種圓厚短蹙味豐周成王時揚州獻魮魚疑卽此

禾蟲 乃稻根所化者揭多潮田秋間潮水上下卽生狀如蜈蚣甘

脆肥臙以揭爲最

烏賊 一名墨魚狀如算囊無鱗兩鬚長似帶腹下入足聚生口旁縮喙在腹下懷板含墨見人及大魚至則噴墨方數尺有骨如舟形名海鰮鮓腹中血及膽正黑可爲書又一種似烏賊而小亦能



吐墨名曰墨斗作字易脫昔有詩云誓成烏賊墨人似楚山雲  
柔魚 似烏賊無骨生海中越人重之一作鰣魚

章魚 卽韓文公所謂章舉身首圓有八脚攢聚當中有口脚上有  
窩如白行則足向下身向上高舉疾逝形類烏賊而小

鎖管魚 似鰣魚而形差小其身圓直如鎖管狀首有薄骨插入管  
中如鎖鬚其味甘美又一種名猴狸形小而味不及遠甚

鼈 易離爲鼈養魚經曰魚滿三百六十則龍爲之長而引飛出水  
納鼈則魚不能飛去故一名神守

蟹 爾雅曰八跪二螯折而容俯故謂之跪倨而容仰故謂之螯其  
大者膏蟹足有毛者毛蟹殼色黃赤文如虎首斑者曰虎蟹小者  
曰肉蟹出錢岡

揭陽縣志

卷之七

物產

二十

虹蜃 似蛤而極小其色紅而綠一名紅粟

蚌 與蛤同類而異形圓者曰蛤長者曰蚌老蚌含珠殼堪爲粉謂  
之蚌粉亦曰蛤粉劉勰云蚌病成珠一名蜃揚有車白一名海白  
殼厚微黃似蚌非蚌或云卽蜃之小者梁元帝以爲味高食部

蛤 禮記曰似蜺而大殼有斑文又有白厚而圓殼薄肉如車螯曰  
蛤蜊候風雨能以殼爲翅飛

蚶 背似瓦壘文螺之小者爾雅曰魁陸臨海志曰天饒有兩種紋  
細如絲者名絲蚶似絲蚶稍長而不正者名曰阿婆蚶

蛭 蚌屬生泥中食土長二三寸殼蒼白頭有兩巾在殼外又有竹  
節蛭其殼有文以夏月出

西施舌 卽環蛭其肉似舌中有小蟹出入殼中爲食垢穢淮海之



人呼爲蟹奴揭名曰月蠔味甘脆

塘虱 大首偃額形似石首而大口腹俱有齒角尾扁無鱗上下有肉鬣亦名角魚

螺 其種不一香螺大如甌長數寸肉雪白而尾有膏本草謂之甲香其餘有黃螺花螺紅螺生於田中者曰田螺生於溪澗者曰石螺凡螺之性多寒

蜆 殼青黃色溪澗中所生邑中貧民多以爬蜆爲業

蟛蜞 似蟹而小足有毛嫩紅色邑人醃食以代園蔬  
蠶 俗呼薄殼生海泥中百十相黏形似鳳眼殼青色

蠶 形如車文狀如便面色青黑十二足眼在背上口在腹下雌常負雄而行在海中羣行輒相積於背高尺餘如帆乘風又謂之蠶

揭陽縣志

卷之七

物產

二十一

帆有子如珠粒出而爲蠶者十之一二餘皆爲蟹爲蟛蜞

蠔房 一名蠔黃以其膏黃也本草云附石而生硨磲相連如房剖房取肉故名蠔房一名蠔山以左顧者爲雄故曰牡蠔其壳曰蠔鏡可作明瓦

蠔崽 小蠔也邑人薑醋蘸生食不覺其腥多喜嗜之

江瑤柱 一名馬甲甲中有肉作柱狀有二種大者江瑤小者沙瑤蘇東坡云江瑤柱與荔枝南中尤物也

虹橈 甲綠色尾白形如船橈炒食甚美

蜂 蜂有八種曰排蜂黑蜂黃蜂道壁蜂火筒蜂獨脚蜂青育蜂土蜂惟蜜蜂知君臣之義日兩衙應潮上下主蜂所在衆蜂旋繞衛之朝衙畢方出採花暮衙畢方入房關尹子曰聖人師蜂立君臣



編蟲書

蠼 禮記名元駒爾雅名蚍蜉赤者名蠼飛者名蜚而黑者亦甚夥  
又有一種白蟻最爲人害蓋濕熱所生其禍慘於盜賊

蟬 無口而鳴飲而不食三十日而蛻陸士龍賦蟬有五德頭有綏  
文也飲露清也黍稷不享廉也處不巢居儉也應侯信也

螢 禮月令季秋腐草化爲螢常在大暑前後飛出一名夜光一名  
耀夜一名景天一名熠燿一名丹良一名丹鳥一名宵燭一名燐

蜻蛚 爾雅謂丁蟲又有負勞青蟋紗羊蜻蛚丁蛚諸名說文名桑  
根

蝴蝶 有數名曰野蛾曰風蝶其大如蝙蝠者名鳳子大而黑色或  
青斑者名鳳車搜神記朽麥化爲蝴蝶四翅有粉以鬚代鼻其交

揭陽縣志

卷之七

物產

二十二

皆以鼻道藏經曰蝶交則粉退有鬼蛺蝶大如扇好飛荔枝上有  
黑蛺蝶橘蠹所化

蛾 博物志食桑者有緒蓋蛹者蠶所化蛾者蛹所化也其眉勾曲  
如畫又一種善拂火者曰飛蛾

龍蠃 一名水龜生苳草水澤間形如小龜翼似蟬翅以鹽蒸食之  
土人以爲美味

蜥蜴 小而五色尾青碧者名蜥蜴小而緣墻壁色黑者名蜥蜴漢  
武帝嘗取其血爲守宮砂

螂蛆 似蝗而大腹長角能食蛇腦關尹子云螂蛆食蛇蛇食蛙蛙  
食螂蛆互相食也又有水蛆生溪澗長寸餘黑色

蜘蛛 字說云設一面之網物觸而後誅之知誅義者也今文作蛛



在地布網者爲土蜘蛛絡幕草上者爲草蜘蛛小而長股者俗呼喜子陸賈曰蜘蛛集而百事喜關尹子曰聖人師蜘蛛立網罟螳螂禮月令仲夏螳螂生註螳螂母也爾雅謂之莫貍說文謂之斫父淮南注謂之拒斧又謂之天馬以其驤首奮臂頸長而身輕其行如飛有馬象也

蟾蜍 本草蕭炳曰腹下有丹書八字者眞蟾蜍也俗呼癩蝦蟆銳頭蟾腹促眉虎形皮多瑋磊不能跳躍亦不解鳴

蝦蟆 與蟾蜍同類多在陂澤間形小皮多黑斑能跳接百蟲白居易詩蠹蠹水中物無用者蝦蟆地旣蕃其生使之族類多

蛙 蝦蟆屬背青綠色尖觜細腹俗謂之青蛙亦有背作黃路者謂之金線蛙又有一種眼突身黃黑色其聲甚巨俗名地牛又名青

揭陽縣志

卷之七

物產

二十三

約

水鷄 又名田鷄因味如鷄也土人以爲珍饈

蟋蟀 似蝗而小正黑身有光澤如漆有角翅一名蜚一名蜻蛚楚人謂之王孫幽州人謂之促織里語曰促織鳴嬾婦驚

蝙蝠 齊人呼爲蠟墨一名仙鼠或謂之飛鼠變化論曰蝙蝠夜值庚申乃伏

蚯蚓 禮月令孟夏蚯蚓出冬至蚯蚓結一名曲蟺一名土龍埤雅蚯蚓土精無心之蟲與阜螽交

水蛭 名至掌一名馬蟻俗呼蜈蚣斷之寸寸得水復活能啞牛馬人血另青者生深山樹葉中名飛蟻

蝸牛 古今注陵螺也殼如小螺熱則自懸葉下莊子所謂左右角



爲蠻觸者

蚰蟥 爾雅謂之鼠負郭注曰甕器底蟲陶隱居曰鼠在坎中背則負之一名鼠婦

螟蛉 桑蟲也似步屈其色青而細小或在草萊上

斑猫 有毒生豆葉上翼有黃黑斑文

尺蠖 又名步屈亢桑子曰食黃則身黃食蒼則身蒼

蟲 禮月令謂之白鳥列子謂之贅芮贅芮生於腐蠹粵中有樹實如枇杷將熟則殼中飛出蠖子又榕子中多小蚊皆蚊母木也又一種蠖子黑色而小夜伏晝飛人尤苦之

蠅 西陽雜俎云蠅聲在翼身青者糞能敗物故詩刺青蠅有曰蒼蠅班固云蒼蠅嗜肉汁而忘溺死衆人貪世利而蒙罪禍

揭陽縣志

卷之七

物產

二十四

蠹 粵地氣溫蒸濕多蠹甚爲衣帛書畫之害始則黃色老有白粉昌黎詩豈殊蠹魚蟲生死文字間

蛇 酒肆中恆以爲臞種類甚多其作臞者大半屬烏梢蛇菜花蛇二種輿地志云揭陽近龍溪有盤龍蛇青黑色赤帶錦文隨瀆溪水而入於海有毒傷人輒死俗謂潮漳風土賦性似之亦善謔也

食貨

苧布 九都皆有鄉無不績之婦故也其精細者名機上白價可倍紗羅

葛布 蔓生之藤績以爲布詩所謂爲絺爲綌是也

蕉布 蕉可爲布者曰布蕉亦曰蕉麻揭山鄉間多種蕉取其皮以灰水漚而績之以蕉爲經以絲爲緯



夏布 粗者曰粗麻布細者黃麻布

冬布 紡綿紗而織之其精者織白如雪細更如火毳

澱 以藍爲之有馬藍其葉大今稱大青有槐藍其葉小今稱小青

油 有麻茶菜子地豆四種

糖 以蔗爲之有烏糖砂糖白糖三種

茶 山中土茶味微苦

陳志云昔管仲以五施別五土辨其宜種宜畜五土分之又分而各五之上與中下也又分之而各六其上六其中與下也又分之而三土之物九十而種三十六也因地辨性垂爲種植之書治在齊而九服四瀆九重八荒臚析標命仲亦才矣哉嶺南無雪地氣柔脆而靈奇珍異有獨擅其美者端州硯石化州橘紅合浦蚌珠

揭陽縣志

卷之七

物產

二十五

增城荔子瓊南之象貝香犀羅浮之大蝴蝶桐花鳳籠筴竹皆中州無與比者而揭物不與焉揭豈無所產乎蓋揭之所產有至貴焉平原沃野高下別壤宜稻宜黍簑笠者子如聞管子之訓所以潮之饗殮半取資於茲土擔負舟移日計十百而南澳一島告糴歲煩文移乃菽粟水火利波乎鄰又疊巘之美採而可茹曲港之鮮網而可食奇花異樹擷而可紉幽人之佩者且不知凡幾也產非珍奇產乃益足珍耳然江分南北木分枳棘辨土而種之畜之亦辨其性而已矣不知其性焉知其用猶不知其物也君子將引爲己恥篋藏是搜薰餘是採非曰疏珍禽而箋爾雅收香草以續離騷也窮源達委誰爲宜種誰爲宜畜誰爲相制而相和取之以時用之以材亦民利也况天喬飛走咸若其天集梧遊郊共應乎



運將爲昇平呈其瑞哉且夫布帛菽粟之理日星河海之文於焉  
昭也物而如是人何不然還淳歸樸而不務聲華經天緯地而根  
乎忠質三山雙溪之間其亦有鍾山川之秀萃日月之英足爲他  
方日用飲食利者乎予日望之矣

按此冊鄭志僅著物名陳志則細行箋注但其中有屬常物無庸  
載者有爲揭產而不載者有注引太繁亦有過略者今沿其舊文  
參酌增刪較二志稍爲簡括云



事紀

前志分年表災祥兩門識者謂志一邑乃竊取春秋年經月緯之法而稱年表體裁近僭府志載災祥而闕年表亦此意也今考別邑志宸善本志各從其類不可類者編年紀之題曰事紀事專一邑書不專一邑例不書以備勾核亦牽連得書今從之仍提年爲之綱凡國有大政與夫天時災異及一切事之所宜書者俱大書特書不一書銓次舊文雖多有增入要皆參稽典故以求其詳備云

宋

治平四年丁亥地裂泉湧壓覆屋宇軍民死者甚衆

熙寧元年戊申地震

揭陽縣志

卷之七

事紀

宣和三年辛丑初設揭陽縣

漢唐以來皆爲郡

紹興二年壬子廢揭陽縣入海陽

四年甲寅春正月蠲循惠梅潮四州被兵家賦

十年庚申復設揭陽縣

淳熙元年庚子春三月潮州巨盜沈師犯順廣東安撫鞏湘會提舉

常平楊萬里帥師平之築外砦以鎮賊巢

十一年丙午邑人孫道者昇仙於寶峯山巔

景炎三年戊寅學宮燬於火

元

至順三十年壬申秋七月水

泰定帝元年罷蠶戶爲民



順帝末二十八年戊申春二月潮州路率屬歸附於明

洪武元年戊申春命征南將軍廖永忠等下廣東 三月彗星見詔  
減官田稅額

三年庚戌秋八月始舉士於鄉

十三年庚申設黃冊立圖籍

二十四年辛未冬十月大毀寺觀

永樂二年甲申徙廣東富民實京師

正統八年癸亥秋饑令義民出粟賑濟者給冠帶榮身

成化六年庚寅丈量田地 秋七月總督韓雍奏革鴨埠

宏治五年壬子大水漂民居淹禾稼

揭陽縣志

卷之七

事紀

二

九年丙辰添設揭陽掌民兵主簿一員

正德二年丁卯夏六月雨雹大者如拳小者如卵其色赤而黑

三年戊辰冬十月地震有聲如雷

四年己巳夏六月颶風作海溢民多溺死 冬十二月隕霜厚三

寸許

八年癸酉夏六月颶風大作海溢溺死者無數官溪藍橋水黑偃

木自僵

十年乙亥秋七月颶風暴漂沒民田壞公私廬廨俗稱鐵風節

嘉靖元年壬午提學魏校盡毀廣東淫祠

三年甲申鵠變先是市民有得鵠於河南者黑白相雜名四停花  
黠者以之愚人價漸增至纍十纍百不分少長男女傾產市之



百業皆廢有至殺奪者兵備僉事施孺按潮厲禁之民猶不悟其夜颶發海溢始稍息焉然餘風未殄遂有養鴿賭賽者以認路遠近爲勝負或養畫眉或養山鵠競鬪能勝者得高價 秋七月颶風海溢

八年己丑饑斗米百錢主簿季本設法賑之邑紳翁玉賑其鄉命行義倉社學法

九年庚辰春頒敬一箴及五箴註鐫石於學宮

十年辛卯稻一莖五穗龍溪士人莊守德獻於知府邱其仁藏諸庫

十一年壬辰冬十一月隕霜爲災草木皆枯昆魚凍死

十二年癸巳冬十月星隕如雨

揭陽縣志

卷之七

事紀

三

十四年乙未夏五月地震

十八年己亥秋七月颶風發

十九年庚子夏蝗害稼 秋七月枯樹自起

二十三年甲辰春旱饑知縣王鳳請賑得報可

二十四年乙巳春旱饑 秋潦害稼 知縣王鳳創修邑志

三十六年丁巳秋九月燐火爲妖先是有妄人傳一札云有鬼物奔騰附火而行曰馬騮精所到必有大殃宜爲符咒以禳之俄而有燐火夜飛入人家變爲人形或化狐犬之類迷婦女經宿不甦有至死者每日暮家家婦女向室中坐男子環守之金鼓之聲達旦遇有火星將生竹枝及桃柳枝亂擊之其火盡碎散作百數千片久之乃滅又有樹生蝦地生毛諸異



三十九年庚申御史龐尙鵬奏上條鞭法

四十二年癸亥析龍溪都還海陽析鮓江鱷浦蓬州三都湊置澄

海縣

隆慶元年丁卯免今年田稅之半

二年戊辰裁揭陽縣丞桃山驛驛丞員缺 免今年田賦三分之

一

萬歷元年癸酉免今年田租之半

五年丁丑行條鞭法天下便之

九年辛巳行清丈法 秋星隕於霖田都南塘山爲石鄉民得之

狀似馬面秤重六斤八兩送貯縣庫

十一年癸未免今年田稅三分之一

揭陽縣志

卷之七

事紀

四

二十五年丁酉秋八月初三日夜初更地震屋響如掀瓦居民驚  
走至十八日辰時又震池塘中水溢北又還南移時乃定

二十六年戊戌遣監李敬開礦擾累甚至

二十七年己亥遣稅課使太監李鳳至粵權稅方物增額二十萬

粵民苦之

二十八年庚子秋八月二十三日夜地大震墻屋傾倒 翌日下

午又震

二十九年辛丑地震 巡按李時華革粵五弊一飭條鞭二懲加

耗三止派夫四立和買五驅白艚開新濠巡按潘季馴以通省

衙門公用約其入之數刻永平錄一曰歲辦二曰額辦三曰雜

辦皆支官銀不累里甲民甚便之



三十二年甲辰地震

四十一年癸丑有神降乩相地

四十三年乙卯減稅銀三之一

四十四年丙辰夏五月海水嘯 秋八月颶發海溢城內水深三

尺水中恍惚有火光漂廬舍淹田禾溺死民物村落爲墟

四十六年戊午詔加賦

天啓四年甲子初定派田糧加餉 揭地產珠城內外並鄉村田岸

間往往有粒如小珠色亦瑩但質脆手撚之卽成灰

五年乙丑始扣員役優免丁銀充餉

崇正元年戊辰修賦役全書

二年己巳春正月二十七日漁湖之西洋村地裂廣約五寸長約

揭陽縣志

卷之七

事紀

五

二丈七八尺鄉人以繩探之深無底越二日如故 春夏旱免

明年地租十之一裁扣各編銀充餉

三年庚午復旱 秋大饑斗米銀二錢知縣馮元颺與邑紳郭應

試等出貲設粥賑之

四年辛未知縣馮元颺陳鼎新重修邑志 復加餉派田糧每畝

加至一分六釐 冬十月練選軍

八年乙亥抽縣積穀助邊扣生員優免丁銀充餉

九年丙子徵鄉兵錢溢地稅權徵勦餉詔天下勤王 春二月雨

雹 秋七月大颶風 冬十月冰厚盈寸土人云揭邑自古少

冰至是堅厚盈寸爲次年豐登之兆

十年丁丑冬有年 稅城內民房不分廣狹銀一錢此唐德宗間



架法也改因糧爲均糧

十一年戊寅設火籤徵逋戶糧均直櫃革皂役押班巡按李雲鴻  
徽州縣立社學

十三年庚辰地屢震海潮溢 冬十月雷鳴

十四年辛巳夏四月天雨黑豆 冬十月二十四日夜地大震有  
聲如雷自西北而東南倒墻壞屋桃山鄒堂等處地裂山崩壓  
死人畜至次日地生毛赤黑色長四五寸以後連震至十一月  
十九殆無虛日

十五年壬午夏四月黑眚見時傳爲馬騮精遇夜則各家婦女聚  
於室中男子環守於外有燐火飛入則以桃柳竹枝擊之徹夜  
金鼓之聲不絕如嘉靖間故事月餘乃止 米鹽物價騰貴自

揭陽縣志

卷之七

事紀

六

十四年冬至是年春三月地數震 夏四月雨潦水溢大饑  
冬豐稔 秋八月旱至冬十一月驟雨又旱至次年正月始雨  
十月十五日夜有星六七自南而北聲如雷 閏十一月二  
十八日夜星隕如雨

國朝

順治元年甲申夏五月地震三次 夏六月太白經天下午乃見  
秋八月二十五日地震如雷揭盜群起物價踊貴數倍

二年乙酉春二月中雨絲是時驚得或言主兵或言主水及後乃  
驗北直等處久雨忽晴卽有飛絲但南方從古無此則爲異耳

閏六月二十九日地大震妖言四起

三年丙戌春二月初五日地震城內外天雨紅豆白絲海陽被水



流民盈千累萬至揭 秋八月大鰕魚逐小魚入縣水窖大五十餘斤民鬻食之故老相傳此破邑之兆各處牝雞鳴或連數聲或十餘聲數日乃止 冬十二月總督佟養甲提督李成棟定潮惠廣三郡路過揭之鋪前時兩將既定福建遂進取廣東養甲先遣閩士黃夢麟授知府銜至潮宣諭威德士民趨附四年丁亥春二月天雨絲 未幾大水 三月山鳥來其色淺黑形似子規而大鳴聲各別人因其鳴而諧其聲曰九軍拆厝又曰賊猶好做又曰國公討厝舊志云此鳥深山有之歷古不到平陽與城市今茲來翔所謂禽鳥得氣機之先者與未幾俱驗

夏六月五房山裂 秋九月二十日大鰕魚從水關入重四十餘觔人網食之人謂破邑之兆重見識者愴然

揭陽縣志

卷之七

事紀

七

五年戊子春三月大旱穀貴塗塔宮邊蛙啖黃雀山鳥復來 秋九月二十八日夜地鳴連鳴數次耆老相傳春鳴水患夏鳴乾竭秋鳴殺氣冬鳴變亂又曰地哭主疾疫 冬十月初二日大雷雨霹靂甚於春夏 是年閩寇僞國公鄭鴻逵駐揭截路抽分又分鄉寨爲九等勒索軍需

六年己丑春二月初二日地震 三月山鳥復來大旱穀貴有星晝見 秋八月初三日颶風大水雨白鼈 九月十七日夜月暈五色 二十八日彗星見於東方長三尺每夜更初見有頃卽伏至次月初三日乃滅

七年庚寅秋八月二十五日夜颶風 秋九月十一日夜又颶八年辛卯始行粵東鄉試 春二月山賊結寨巖谷多染瘟疫死



者過半

乃伏惡已久

夏四月初三日地大震有聲

秋九月十一

日飛星大如斗光耀四方 冬十月初四日夜大星吼墜於地

覓之不見

九年壬辰夏五月二十六日天雨絲 六月初二日縣城雨血又

雨絲 初三初四日午刻日下有五色雲 十四日颶風 秋

七月各處山崩水溢 九月初三日颶風 冬有星朦朧如被

掩狀行甚速逾月乃滅 十月十六日雷大震 二十八日夜

東南大星白霧繞之十餘夜乃息 十二月天裂一縫 穀踊

貴

十年癸巳秋七月癸卯日亥時月入南斗 考元史載至元二十

年癸未四月壬寅日六月癸亥日九月壬子日俱月犯南斗是

揭陽縣志 卷之七

事紀

八

年二月廣東新會民林桂芳趙良鈐反聚衆數萬僭號延康官  
軍討平之十月庚子日建寧總管黃華聚衆十萬僭號祥興破  
崇安浦城諸縣後攻建寧史弼等引兵擊之華敗走自焚死餘  
黨悉潰今此癸巳年二月潮州總兵郝尙久叛聚衆萬餘稱僞  
永歷年號逆藩耿精忠尙可喜統兵十萬於九月間討平之歷  
數事俱壬癸亥子月日何後先一轍乎 秋七月三十日雨絲  
九月初旬雨絲盈城 冬有年

十一年甲午夏六月縣城內外產白雀 秋九月十九日颶 冬

十月十五日有星大如斗由東至南光燄如火墜地熒熒良久

乃滅

十二年乙未發粟賑難民嚴洋禁 春正月天分青白二色 二



月十九日夜白氣貫月如寶刀形 三月復聞山鳥啼不見其形 夏六月中雨圓圈時夜有微雨曉起視濕痕有如碗印或如連環城內外十數處皆有之不數日又然 秋七月初六日兵噪燒毀城隍神像未幾遂遭寇盜陷城之變 九月北市民家豬產一子狀類麒麟旋斃 冬十月旱荒民饑

十三年丙申均夫役各鄉率以百家定長夫一名

春正月雨雪揭地自古無雪時鄭成功圍困已久至此始見之 三月十三日總兵吳六奇克復揭城先是西關外民家雞生六足三日內海寇劄營西關者大敗斬馘四千餘級所謂困於連雞不得俱飛此其兆也 秋九月棉湖寨火災三次燒民房數十男婦死者八十餘人 冬十月大旱深潭俱竭 按明嘉

揭陽縣志

卷之七

事紀

九

靖丙申年大旱饑孳載道饒平縣潭水竭見石刻云丙申大旱四字成化間丙申亦旱故潮郡地運丙申年多旱 秋七月二十九日夜五更有星大如斗往南下墜光耀遍天

十四年丁酉春正月痘疫是時民家延醫種痘擇痘之稀而平安者取其痂貯之臨用以痂塞小兒鼻孔吸其氣而痘發此後無天札者 夏民間訛傳欲取室女爲邊兵妻紛紛嫁娶 秋九月頒賦役全書

十五年戊戌秋七月修官路以一丈六尺爲度 冬十一月火災數見有火妖伏人牀蓆之下突然焚燒此處撲滅他處又燃數日乃止

十六年己亥寬孤丁里役 春二月初七日雨絲 初八日地震



十五日地又震 四月二十三日日中黑光摩盪 夏六月銀變俗一時相傳用夾砂及鐵鏽之銀禁之不止名曰草鞋踏有低至二三成色者二年乃止 沿鄉患虎九都皆有之至有白晝三五成羣人畜均受害山村日未晡卽閉戶或多至十餘隻白額白面長面不一 秋九月晨星鬬 九月末東方啓明星旁一黑子盪戰衝撼屢晦而復光數晨乃止

十七年庚子春正月蠲順治十二年至十五年逋賦夏四月十九日雨絲 六月二十六日地美都鋪前渡石牌鄉大風雷雨岸崩出古石牌二一曰海不揚波一曰保障黎民字大如斗旁有小字曰莆見川雍陶書先是其地鳴吼三日始大風雨而碑出焉鋪前渡雖甚風浪未嘗溺人自二碑旣起被兵丁擊碎埋之

揭陽縣志 卷之七

事紀

十

此後渡口常有覆舟之厄 六月有星晝見 冬十二月初五日值小寒雷電霹靂大雨連日

十八年辛丑春正月二十七日雨雹大如拳屋瓦多碎

康熙元年壬寅蠲順治十八年以前逋賦 春正月因閩寇鄭經猖獗令瀕海居民徙內地五十里二十一日吏部侍郎科爾坤兵部侍郎介山逆藩尙可喜將軍王國光沈永忠提督楊遇明等八十餘員馬步兵二萬五千從桃山砲臺巡歷定界應遷之地插標爲限拆墻毀屋以繩直之界內人夫發開河溝深廣各一丈餘築墩臺派兵守望揭止遷地美都之鄒堂池邊新浦楓朗鐵場青嶼洪岡錢岡大寮十餘鄉其餘不瀕海諸鄉賴知縣胡鶴翥力爲疏晰得免 夏五月禁港扞樁恐近海居民接濟寸



板不許下海縣之萬里橋登岡橋李厝港塗壟港皆釘椿惟楓  
口一河達府城載米上倉乃不塞

二年癸卯屯米全徵本色 春正月朔雨雹 二月初八日鎮海  
大將軍王國光兵劄砲台察視遷界供億煩苦 夏五月二十  
二日夜有虎六隻從埔邊寨來民擊斃其三 秋八月二十七  
日兵部侍郎碩圖固山伊里布總督盧崇峻巡視邊界豎旗  
冬十一月十一日夜雞鳴時異星見於東方長數尺左右朝拱  
向上首尾如船移時乃沒有聲割然

三年甲辰春二月旱民饑 夏四月十一日午時五處渡口同時  
沉沒渡船淹斃多人 二十八日白龍見於西方俗傳以爲旱  
徵未幾果旱 夏六月颶風 閏六月颶風 秋七月竭石鎮

揭陽縣志

卷之七

事紀

十一

水師總兵蘇利抗遷蘇利本海盜順治十四年歸順授官至是  
與海寇接濟總督提督等統兵征之知縣胡鶴翥往桃山答應  
夫役夜間被盜竊去印信數日後總兵栗養志至揭乃捕獲之  
九月栗養志移駐揭城囑賊叛良勒索金帛民甚苦之 冬  
十月初二日夜彗星見於翼軫之分長二丈餘自後漸抵婁宿  
至臘月乃滅 是年再遷界揭陽遷地美全都桃山半都民旣  
遷設五里一墩十里一台

四年乙巳春正月日中黑光摩盪竟日月杪乃滅 二月二十五  
日夜天雨籽粒如芥子各處皆有獨磐溪洋尾寨更多歲旱饑  
民逃荒相率走江西建昌南安等府千百成羣罕還鄉者 夏  
六月雷震城隍廟古樹 秋七月初三夜南方星墜如斗未及



地而滅 十三日太白晝見旬餘乃隱 九月與冬十月各處水災不息 南北二河鹹潮上湧至石碼山民苦於鹹始鑿井飲往年冬旱必越春月乃鹹冬月潮湧水鹹飲之生疾古未有也自九月旱至次年夏乃雨

五年丙午裁革城守土兵營除各州縣日供雜派值月夫役 夏四月初八日夜天裂一縫地下白氣冲之其裂處紅色衆音喧嚷如人聲 五月颶風壞屋拔木 秋八月東方有一星形如紅燭下有芒 九月二十六日夜地震有聲 冬十一月知縣葉其勤失印罷職 十二月二十日雨絲田地忽浮蠔殼以濟人燒灰先年無此自沿海遷界既久乃出蓋異事也

六年丁未蠲逋欠春旱 夏四月十二日地震 大搜抹嘴賊此

揭陽縣志

卷之七

事紀

十二

賊自外省來用毒藥抹人口卽昏啞隨行至僻處或割目或剜心或取膝慘不勝言各縣皆有之道府各官嚴行搜捕撲殺數十乃稍息四月十九日颶風 二十一日將軍沈永和至潮郡駐鎮永和續順公永興從兄也先領副都統宋張帶披甲一千人同日而至各縣苦於供億 冬十一月十六日地震 十二月雷鳴 是年除粵六大害一夫役二派船三採買四私抽五扳害六擅殺此總督盧崇峻先具疏陳至是巡撫王來任覆奏始得報可也

七年戊申春正月二十日夜彗星出自西方長數丈數夜乃沒 夏旱早稻大歉 六月十九日颶風巡撫王來任遺疏請展復遷民海界及御史楊雍建條奏得報可隨遣內大人狄堪等七



員會同總督周有德提督楊遇明及逆藩尚可喜帶兵馬一萬七千餘從惠州經揭之桃山巡勘議撤排柵改設各汛墩臺

八年己酉蠲康熙元二三年逋賦 春二月奉文展界復遷海居民舊業 秋八月二十六日大水決村寨人畜死者過半

九年庚戌給耆民粟帛有差 夏五月初五日埔邊寮雷火燒民間草困 秋七月初七日地震 八月熒惑入於南斗旬日而出 九月初七日夜星入月中 冬有年

十年辛亥蠲康熙四五年逋賦 夏六月初七日二十一日颶風 秋九月初九日颶風 是時穀賤傷農謂之熟荒按揭惟耕農無他業穀太賤則業戶無可輸課耕夫無以贍家田多拋荒不治而此時山海之寇交訐商販阻隔每銀一兩白穀二十

揭陽縣志

卷之七

事紀

十三

石赤穀二十五石古所罕見 冬十月重禁廣東福建二省艚船飄洋其餘地方止令木筏捕魚不許出海

十二年癸丑春旱早田禾半收 秋又旱 秋八月大星晝見十六日夜颶風大作毀屋沉舟

十三年甲寅春正月逆藩吳三桂反警報至粵 三月潮州鎮總兵劉進忠叛

十七年戊午春正月二十二日夜文廟內火起

十八年己未秋七月地微震

十九年庚申冬十月十三日彗星見東方數夜乃隱 十一月初旬西南方有星兩頭皆銳二十三日又一星見南方長亘天濶如疋布旬日乃隱或曰主掃除也是時大兵征雲南未幾吳逆



殄滅蓋其兆也

二十年辛酉自春徂夏昏夜虎成羣入縣城人畜遇之亦不傷害  
二十一年壬戌冬十二月除夕雷甚迅烈

二十二年癸亥春正月不雨至夏初四日乃雨田園十不種一時  
田父云去年除夕雷鳴故有新春百日之旱 夏閏六月初二  
日五色雲見西方

二十五年丙寅大有年每銀一兩穀七八石不等 夏六月颶風  
秋七月有星見於南方光芒長數尺數日乃消

二十六年丁卯停止歲貢赴京廷試 夏五月免新加雜稅

二十七年詔養老給耆民粟帛有差

二十九年庚午奉文令府州縣學設樂器及舉行積穀置常平倉

揭陽縣志

卷之七

事紀

十四

冬大雪殺樹

三十年辛未旱

三十二年癸酉八月二十九日颶風大雨

三十四年乙亥冬十二月蠲逋欠

三十五年丙子七月十六日颶風大作二日夜

三十六年丁丑頒到平定沙漠碑 建育嬰堂歲饑

三十七年戊寅大有年

三十八年己卯有年

四十年辛巳冬有年

四十一年壬午早禾不登

四十三年甲申春三月給耆民粟帛 冬雷鳴



四十四年乙酉冬十月虹見

四十五年丙戌停里役

四十六年丁亥免四十三年以前逋賦 禁閩省海洋雙桅漁船

不得至粵

四十七年戊子大有年

四十八年己丑夏給耆民粟帛 冬十月虹見

四十九年庚寅漁湖都梅兜鄉監生魏秀榮妻余氏一產三男

五十年辛卯蠲免全年錢糧并四十八年以前逋賦有年 禁增

建寺廟

五十二年癸巳 萬壽開文武鄉會試 蠲地丁錢糧并各年舊

欠 賜耆民粟帛 自五十年編審滋生丁以後永不加賦

揭陽縣志 卷之七

事紀

十五

春正月大雪 冬十月有年 十一月大風雨雷鳴乃止

五十四年乙未夏屯米酌改折價

五十五年丙申廣東丁銀配入地畝徵收 夏五月早禾將稔一

夕蛺至穀顆多秕遂不熟

五十六年丁酉秋七月颶風 九月蝗

五十七年戊戌設立沿海砲臺 自春三月至夏五月霖雨 夏

六月初八日地震有聲

五十八年己亥秋八月十九日夜颶風大作風中如燐火樹木皆

枯

五十九年庚子春令直省武職許入文廟與文職一例行禮 定  
有司不報忠孝節義之罪



六十年辛丑春正月雪早禾熟 秋八月初一日颶風大作如燐  
火 桃李華 冬百果皆結實

六十一年壬寅夏五月颶風 冬雷鳴大雨

雍正元年癸卯 恩詔文武鄉會試 舉孝廉方正給耆民老婦粟  
帛其耆民八十以上素有行誼者詳舉給八品冠帶 立社學  
早禾大熟

二年甲辰奉文建忠義孝弟祠節孝祠舉老農勤勞儉朴身無過  
舉者歲舉一人給與八品冠帶榮身行便民社倉修育嬰堂建  
普濟院 夏四五月霪雨 冬十一月大雨水

三年乙巳夏四五兩月禾自萎 秋八月十五日大颶 冬蝗蔬  
果木葉皆賊

揭陽縣志

卷之七

事紀

十六

四年丙午飭有司蓋造倉廩嚴保甲立族正 歲大饑斗米價至  
七錢勛鹽價至九分

五年丁未令紳士常服各加帽頂 米仍騰貴 春夏大疫 六  
月二十九日颶作連日雨至大水秋七月初二日乃止霖田都  
水湧漂沒田廬

六年戊申大有年

七年己酉春正月大雪 給各官養廉 行省府州縣修志 頒  
平定青海碑 夏五月蠲免雍正四年舊糧 冬大有年 十  
二月二十二日辰刻五色慶雲見於東方

八年庚戌蠲免全年錢糧 大有年

九年辛亥大有年 秋不雨



十二年甲寅冬雷鳴

乾隆元年丙辰 恩詔文武鄉會試 給耆民老婦粟帛 蠲免十年以上民欠錢糧

三年戊午割藍田都九十兩畝湊建豐順縣

八年癸亥冬十一月二十一日夜彗星現於壁

十二年丁卯蠲免全年錢糧 早禾大熟

十五年庚午秋八月二十二日戌時颶風大作地美都堤決淹沒田廬照例賑恤

十六年辛未給老婦粟帛

十七年壬申 恩詔文武鄉會試給耆民粟帛有行誼者詳舉給八品頂帶 冬十一月二十七日雷鳴

揭陽縣志 卷之七

事紀

十七

十九年甲戌桃山都壽民謝天官百歲賞給建坊

二十一年丙子大有年

二十四年己卯廩生黃大賓妻張氏百歲賞給建坊

二十五年庚辰 恩詔文武鄉會試

二十六年辛巳給耆民粟帛

二十七年壬午正月初一日元旦日月合璧五星聯珠 早禾大

熟 惠州倅署邑事黃大鶴續增縣志

三十四年己丑歉收米價騰貴

三十五年庚寅 恩詔文武鄉會試 夏六月初十日夜颶風大

作潮水湧壞民居無算 秋七月初三日夜颶風作大水至初

四日午候方退 八月初五日颶風大水拔木傷禾稼



三十六年辛卯給耆民粟帛蠲免地丁錢糧

三十八年癸巳春正月二十七日夜有火星大如碗墜於西方

秋八月二十日夜颶風大水 冬十一月初四日夜雞鳴時有聲如雷從西北來地震五次床屋俱動天將曉復震二次稍輕  
十二月初十日早雷鳴大雨二十四兩日地震有聲二十一日夜地震二次聲吼如雷

三十九年甲午春正月初四日夜地震初十日甲子未時地震有聲

四十年乙未春正月十六日甲子雷鳴大雨二十七日雷鳴 夏

五月二十一日颶風

至前從未有颶風也

六月十一日颶風大作

夜半方息 二十一日颶風復作至二十三日水汎濫入城漲

揭陽縣志

卷之七

事紀

十八

深四五尺船可到縣堂前堦畔城中房屋多坍塌霖田河婆等處水從地湧出淹沒民人鋪舍無算至二十四日夜方退較雍正丁未之水此爲更大 冬大有年

四十一年丙申春正月十八日陰雨雪下如鹽 夏五月十九日晚颶風大作城內屋瓦飛蕩縣堂東松樹二株連根拔起倒覆南河洋船二隻

四十二年丁酉 恩詔蠲免直省錢糧年分三載庚子年免到粵  
四十三年戊戌春正月米貴 夏大熟 署產靈芝  
四十四年己亥 恩詔文武鄉會試



兵燹

揭邑壤地膏腴輕於從善而山海之警代不絕書則馭之無其術也明自中葉以來更加倭寇爲害益深大抵海寇導之山寇附之爰得闖入內地肆其荼毒而當時有司反或溫言以博其懽厚資以養其銳拊循咻噢如奉驕子然彼亦何憚而不爲也我

朝當定鼎之初烽烟未靖雖無倭匪之患而內則劉公顯外則鄭鴻逵中間陳豹邱輝之徒蟻聚蜂屯豕突鹿觸無所顧忌民之塗鋒刃死原野者京觀不足容也禍亦慘矣夫絕海寇在扼港口使其不能入杜山寇在嚴保甲使其無所藏失此弗圖至於出柙跳梁嗟何能及今

揭陽縣志

卷之七

藝兵

承平日久民不知兵地大物博倘有牙孽其間罪將誰追是當振司牧之精神爲揭民遠謀保聚毋使焦頭爛額始思曲突徙薪也

元

至正十年庚寅棉湖寨土豪陳君實作亂海陽采塘賊吳子安應之十六年丙申漳州劇盜陳遂據揭陽分將築城僭稱陳定王

按遂綽號陳弔眼至洪武初始降後遁入黃岐山石穴今人指爲陳弔嶺

明

永樂間海寇黃壽山曾必長嘯聚山海剽掠揭境未幾討平之

天順五年辛巳縣賊魏崇輝海賊許萬七據夏嶺與程鄉賊羅劉寧



黃阿山同肆劫奪知縣陳爵初請撫之尋叛攻圍縣治彌月不退爵嬰城固守民賴稍安九月大兵出海上斬首數千級餘賊奔潰

七年癸未魏崇輝伏誅赭其地置蓬州所設巡檢彈壓之

成化二十三年丁未七月流賊劉大總聚衆千餘人攻城陷之劫庫放囚在籍鄉知事鄧琳被殺知縣吳鏘遁免死末減降南海衛經歷

嘉靖三十二年丁丑九月海賊許朝光殺其魁許棟分據牛田洋鮑浦市等處○棟饒平黃岡人幼黠悍爲盜數十年流毒海上養子朝光本姓謝棟殺其父擄其母遂以朝光爲子至是爲所殺盡有其衆號爲澳長勢益熾有司招撫之聽其分據潮揭諸處

揭陽縣志

卷之七

兵燹

二

凡船往來皆給票抽分名曰買水朝光深居巨舶公行剽掠時或出入城郭羽衛森嚴以邀宴賞後又爲部下陳滄海所殺三十七年戊午正月倭寇自漳泉入境陷大井蓬州錢岡鳳山諸村官兵擊敗之

三十八年己未十月倭寇肆掠鳳山錢岡諸村十二月掠棉湖寨官兵援之○時軍門駐潮遣肇慶同知呂天恩僉事經彥采帥鄉兵合擊斬金甲賊首一人寇大敗走俘馘無數自倭變以來軍聲於此稍振

三十九年庚申入萬峒賊萬啓薦結寨冰山頭龍溪附近居民避入甲子所

四十年辛酉山寇襲城自西關入殺掠移時從南窖奪船去



四十二年癸亥倭寇侵官溪逼南關屯潮尾村窺城劫掠殺戮數月不退後調大井鄉兵破之

按嘉靖末倭寇入境致山海等賊蘇繼相劉興策曾一本吳平及鍾青山林道乾輩相煽作亂據各處巢穴出沒不常時國家募兵措餉公私交乏民不聊生至隆慶改元諸賊以次討平民乃安堵

萬曆四十六年戊午五月閩寇袁八老突至北關劫掠閩船及居民四十七年己未五月海寇入境

泰昌元年庚申十二月海寇逼城

天啓二年壬戌海寇頻入犯設舖前西營把總一員兵八十三名

七年丁卯二月閩寇褚綵老聯踪百餘艘分南北二隊焚戮無算

揭陽縣志

卷之七

兵燹

三

四五兩月再入七月復入

崇正元年戊辰十月海寇臨城焚戮尤甚知縣馮元颿禦之十二月復入

二年己巳十月流賊五百餘人入霖田焚劫河婆鯉湖棉湖等寨三年庚午正月海賊八十餘艘犯城知縣馮元颿用紳士議却之○時海賊用佛朗機大銃攻城詹事郭之奇與諸紳議分城戰守城中七十四廠殷夫二千餘人另募壯士一百四十餘人殺一賊給銀二十兩十九日開北門與戰諸生范應龍鄭祖紹與焉賊退二十日賊突犯西關諸生黃夢選同哨練王勝鄭權等開門用大銃直衝賊陣賊創遁去三月二十四日流賊自長樂入境時豐政賊葉阿婆張文斌等乘勢並入延劫藍霖二都進



逼縣城詹事郭之奇捐貲募壯士與知縣馮元颺率兵逐之追至上陽村入長樂界克之救回被擄男婦無算

四年辛未秋五總遺孽鍾凌秀流劫於海揭之交時張文斌據蠟

燭寨已就撫爲鄉練而劫掠如常

五總賊者蘇峻義鍾岳劉勾鼻鍾擊天也

五年壬申霖田賊吳質成楊吉寰陳鼎等結黨肆掠鄉村四月知縣陳鼎新令鄉兵擒之寘於法

七月獲霖田渠賊廖輝欽○輝欽與金德光俱爲鍾凌秀黨凌秀敗輝欽收其餘孽橫行劫掠僭號智天王拜德光爲軍師至是官兵擒斬之

十一月知縣陳鼎新斃亂民謝桂於杖下○桂本邑諸生以詐索平民招納亡命事發褫革至是杖斃邑人快之

揭陽縣志

卷之七

兵燹

四

十二月獲賊師金德光○德光原姓鄭名心台海陽豐政都人性狡黠鍾凌秀倚爲謀主三省勤兵屢被免脫

六年癸酉正月海揭會勦張文斌總督王業浩檄總兵鄧懋官討之破其寨文斌遁參將夏之木都司黃夢選知縣陳鼎新追至石子溜戰於山鳧洞大破之擒其軍師劉奇秀訊知文斌匿松光洞海陽令江愈敏率兵壯生擒之皆伏誅

七年甲戌二月十九日縣典吏楊乾參楊則徵曾清揚號三將軍以吳不凡爲軍師陳聲南爲先鋒脅知縣陳鼎新爲大元帥鼎新不從執欲殺之士民危懼奔逃大亂十餘日先是胥役肆橫士民公憤請縣令逐之乾參等遂糾集無賴千餘人樹旗列陣劫庫縱囚鼎新告急於在籍都司黃夢選夢選聞變帥家兵至



擁鼎新易服踰墻去潛伏兵衙後獨出見賊賊衆驚愕夢選佯以好言慰之乘其不備奮臂立斬三人麾伏兵出賊隊伍散亂乘勢擊之又手斬其先鋒賊敗走復聚黨戰於街衢士民俱登屋發磚瓦擲之餘匪俄頃解散

十一年戊寅九月土寇刦竹橋村城官率鄉兵禦之兵潰典史陶鴻翔死焉邑人哀之

十六年癸未六月山寇盧惟貞刦城參將林宏督千戶吳仕璋出禦戰敗仕璋死之賊遁回水巢巡道魯元寵劾林宏失機勒限立功自贖守道邢大忠帥兵追擊至野豬坑與賊遇大戰斬首百餘級生擒三十餘人奪回被掠男婦糧草牲畜

國朝

揭陽縣志

卷之七

兵燹

五

順治元年甲申正月猺賊通閩賊閩王老等數千人突至縣西關知有備遁去

三月山賊邱文德等寇藍田官兵禦退之又藍霖賊千餘人寇打石山官兵擊之賊佯走棄所刦之物於路官兵爭取餘賊突出殺我兵四百餘人

二年乙酉六月武生劉公顯聚兵藍霖二都建營南塘山號九軍賊九軍者曾銓馬麟馬殿馬登傅達邱瑞黃甲呂忠呂玉也又以潘俊爲東軍陳雲任爲南軍陳汝英爲北軍陳侃如爲西軍共十三軍又以溫韜魯爲都軍吳元爲大將曾懋昭爲二將共十八將僞號後漢僭稱大昇立十五大營十三大府鑄印選官攻城破縣勢甚猖獗



按嘉靖十三年長樂賊蘇繼相據藍田黃寨號天一大王攻城肆掠遠近騷然總兵郭成討平之至此一百年霖田都生員劉大隆亦聚嘯而起時與九軍敵後屢受劄委惟官溪都藍玉陳表二賊始終附九軍不悛

七月初六日猺賊寇官溪鄉兵奮擊殺賊衆四百餘人棄之於水十五日東軍賊潘俊犯縣東門西營把總吳式亨擊退之時九軍賊屢逼城知縣吳煌甲率衆守禦晝夜登陴以勞瘁卒士民哀之

十月初一日鄭芝龍舊將陳豹領水師數千巨艦百餘援揭旣而通賊招劉公顯爲義男教賊破城沿河劫掠知縣趙甲謨以失城下獄論死陳豹引九軍賊至福州授以官

揭陽縣志

卷之七

兵燹

六

三年丙戌六月初十日副將湯家幣帶兵三百餘名來汎揭陽禁錮婦女及器用不許出城又召賊首潘俊帶夥入城協守搶物殺人肆行無忌

是月內九軍賊聞總督佟養甲提督李成棟招撫諸賊赦前罪授職銜令隨征立功欲往赴之十二月十一日始棄揭陽歸山二十五日副將文貴金湯家幣往剿苦竹溪寨賊初畏懼旣乃同惡相濟寇益橫行

九月十一日九軍賊劉公顯連金甲賊吳元等陷縣由新河渡北溪五鼓入進賢門毀文廟拆城隍開庫獄焚黃冊大肆殺掠縛執仕宦富民酷刑拷扑體無完膚分踞鎮營縣署殺在籍都司黃夢選進士許國佐黃毅中推官邢之桂知縣謝嘉賓舉人



楊琪華黃三槐楊世俊歲貢林鼎輔謝聯元武舉楊德威監生王之達鄭之良例貢郭之章諸生被殺者七十餘人停柩未葬者盡剖其棺名曰劈死鬼

是月十五日軍門程岫遣訓導汪起蛟至縣招撫賊語以今日之權由陳豹爲政拒弗從

十月二十日陳豹加劉公顯左軍都督鑄鎮國將軍印破城日請陳豹至縣厚以酬之又以萬金往餽鄭芝龍改揭陽縣三字爲都督府餘賊俱署都督門牌爲東西轅門數十處出攻西營被把總吳式亨擊殺百餘人墜水死者五百餘人

十一月初三日賊擁衆犯府城城內發大砲擊之殺百餘人驚奔回縣先是閩將李旺來府援剿劄開元寺欲行不軌軍門程

揭陽縣志

卷之七

兵燹

七

岫參將王振遠知之詐與之謀設席寺中夜半起而擒之戮賊三百餘人初八日九軍賊攻喬林寨圍幾二月寨衆乘其懈開門出擊殺賊千餘人

是月猺賊引衆欲盡殺平洋人平洋諸鄉知其無援遠近互救賊宵遁

是月九軍賊會潮陽泮水洋烏諸賊犯潮陽爲城內砲石所擊死千餘人逃回揭因劫人墳墓凡稱吉地者俱遭鋤挖棄其屍另葬賊柩於其中

九軍賊總劉有據縣以進賢門騎兵可直衝不利閉塞之日夜飲酒街市中典史陳應位過而訶之被賊羣毆署知縣張增寅不敢執問是時穀貴民饑徵比益逼乃賤鬻子女於原掠之賊



人賣田園於原耕之賊佃房屋又拆賣於藍霧之賊鄉

四年丁亥八月內賊黨豎白旗於縣西門數九軍賊總會銓十餘罪後銓與賊標溫鄒等仇告至縣突出數十人擒銓殺於釣橋九月二十一日海寇擁明宗室益王子朱由榛至揭與土賊許元烈鍾振鳳劉有潘俊吳元程纓吳英呂耀林夢祥林西疇林互五等潛謀興復以許丹山爲軍師踞縣城稱監國諸逆在縣三日遣陳高震黃虬入山結九軍賊欲往攻府城援揭鎮道聞之亟召鄉兵而密誘吳元歸順爲內應元允諾遂開門放兵入是時新亨喬林鄉兵先至海寇懼棄由榛揚帆而走許元烈鍾鳳震皆被殺程纓吳英等相帥脫逃是夜總兵車任重統大兵至欲暨行剿戮傳令四門街道開刀署縣張曉懇求止宜殺賊毋傷我百姓任重有難色曉請捐俸犒軍士任重乃擒由榛殺之餘戒勿犯揭民得全

揭陽縣志

卷之七

兵燹

八

按任重本歸善縣招撫紅頭賊黨自稱潮州總鎮與提督李成棟俱叛歸明時永明王朱由榔僭號改元永歷以肇慶府爲行宮僞道李光垣知府凌犀渠知縣桂岳至自肇慶見任重驕恣頗爲裁抑或謂道府等將不利於任重任重惑焉七月僞明朱慈睿擁兵城外任重邀光垣等於座間殺之永明遣郝尙久密圖任重十二月二十九日抵潮寓南關外崇福菴次年正月元旦任重往賀尙久喝壯士收縛斬之一時紅頭黨羽殲滅殆盡五年三月二十七日獲土賊林夢祥林西疇林互五陳高振劉有軍師許丹山并戮於縣前



四月初四日白石寨長黃質白謀叛藏匪賊四百餘人於城內空屋中以誘饑民一時蟻聚甚衆署縣張曉知之率兵壯突至賊所執雙刀與賊鬪移時手殺六人所向披靡兵壯并力撲之賊大奔潰質白逃還白石曉亟令新亨鄉兵擒之械至縣梟示通衢

金甲賊首呂耀建巢於東門外邢家圍橫行劫奪邑人震恐署縣張曉與援剿將洪正謀執之正召林熊給耀入計事因擒而殺之并戮其黨江西五匏瓢三等十餘人於東西兩關餘賊走散時四月二十六日也明日九軍賊劉公顯劉勝黃甲馬麟擁衆犯府城爲官兵所敗逃回新亨鄉兵截而殺之甚多

閩僞平國公鄭芝龍約降歸順貝勒挾之北去弟鴻逵芝鸞子

揭陽縣志

卷之七

兵燹

九

成功不從成功遂與所善陳輝張進乘二艦入海收兵得數千人仍奉永歷僞號自南澳寇同安踞廈門梧州兩島勢益強海寇皆屬焉四月中僞定國公鴻逵率舟師三千餘人艨艟大小三百餘隻至潮陽港口九軍賊劉公顯等引至揭陽舟載明淮王寧靖王及劇賊陳豹楊際時郭子英蔡昇林貫林英等同來以揭爲巢防衛森嚴人不敢巷語疑莊烏六等爲奸細執殺之旋禁蓄軍器

七月初十日陳豹殺金甲賊總吳英兄弟於水

八月九軍賊劉公顯等倚鄭鴻逵之威焚劫各處鄉寨

六年己丑六月澄海寇黃海如陳斌引閩寇入潮陽犯直浦都轉

侵揭地美都

斌諱號大巴掌



七月初八日九軍賊出劄黃岐山攻掠鄉寨陳豹出兵助之兇勢益橫○十六日潮鎮郝尙久與知府沈時破梅岡賊崎河鯉魚諸寨

八月二十六日鄭鴻逵舟師與郝尙久府兵戰于鋪前自辰至酉大砲相攻彼此擊死千餘人九軍賊劉公顯旋報府兵大隊襲揭陽鴻逵乃夜退○二十九日劉公顯等與府兵戰于鋪前鴻逵倏還助公顯府兵不能抵一切圍寨銃城木柵盡爲賊毀九月初一日郝尙久破九軍賊於梅岡賊屯烏岡山百姓震恐尙久抵深坑先命沈時鄭廷相合兵出大窖猝遇賊廷相陣亡時走免賊喜縱飲不虞尙久督騎兵三百步兵千餘倏來措手不及四散奔走尙久乘夜殺入大營追奔十餘里殺賊鎮巫淑

揭陽縣志

卷之七

兵燹

十

英生擒黃甲賊黃斌張火攻等各寨又截殺賊三百餘人所奪旗幟皆鄭鴻逵部下

十一月初四日沈時統兵屯琅山同蔡元帶鄉兵千餘進攻賊寨賊首赤岸寨散走南峯大白寨皆卸

十二月十七日閩寇鄭成功至揭先是澄海寇黃海如導鄭鴻逵入潮偵潮州沿海各縣積貯稍饒者歲駕舟索餉以爲常至是迎其姪成功至縣并僞官林勝楊才黃山施信楊勇洪進阮引康明甘輝黃凱史朝炯潘加鐘林期昌林翰顏尙通蕭武戴彰翁文賢等共二十四鎮至揭每鎮五百人

按黃海如澄海人少爲吏尋投南澳從軍有功授遊擊順治二年聞南都失守遂招亡命揭竿稱亂藉名興復肆行劫掠九月



入閩就撫十一月移哨故里埭頭村三年率衆投誠總督佟養甲允其隨征贖罪遣鎮雷州六年復殺雷州守趙最叛歸後爲閩寇所殺

十二月十九日鄭成功破賊鄉寨凡數處鄭鴻逵殺賊張禮於南河

七年庚寅正月初八日知府沈時督兵破藍田諸賊寨賊以次逃散○二十日郝尙久與署巡道沈時帥兵勦鴛鴦寨盜首丁宗周拒之府兵無功而還

八年辛卯正月十七日鄭鴻逵聲言回閩毀城門撤水柵黎明佯揚帆去撫兵陳敬等擁鄉兵乘潮涉淺入縣城鴻逵還截港路見薙髮者皆斬鄉兵棄衣服盔甲如邱山被殺者六百餘人溺

揭陽縣志

卷之七

兵燹

十一

死者不可勝計○十九日蔡元與閩船戰敗走喬林是時元見鄭鴻逵去欲提兵入縣安民至盤載村知鴻逵猶在城乃駐兵曾厝寨鴻逵聞之次日偃旗息鼓帥小舟八十餘直抵大溝河互戰自辰至申元敗入喬林閩兵追之衆衛元發砲擊之閩兵乃退○二十日鴻逵恨喬林寨匿護蔡元引兵泊港口自辰至酉發砲二百餘屋瓦俱裂寨衆益堅閩兵環攻不能入越明日鴻逵乃帥衆還閩時官民概出城逃避鴻逵去二日人猶不敢入城城內斷煙火雞犬聲五晝夜蔡元至縣令兵民填塞釣鰲橋修復城門窖柵不許追問鄭黨人心稍安

五月初六日總鎮班志富殺九軍賊劉公顯馬麟傳逵傳首至縣先是總兵郭虎入潮受賊魁賄賂引居府城妄聽破良寨賊



得意甚及志富至郝尙久密啓之約擒郭虎是日執虎至會同道府鞫訊斬於南門并獲其親隨十一人送至揭民衆見之立毆斃於衙前

是月十六日總鎮班志富郝尙久督兵剿霖田鴛鴦寨至八逾月乃克之殺賊千餘人巢穴平

按白塔洪姓寨自乙酉年被賊佔踞連三寨曰鄭厝倉洪厝寨許厝寨賊更名為鴛鴦寨其賊則丁宗周爲首丁卿丁羽丁貫鄒定李衍之羅懷鼎等附之皆劉公顯先鋒也聞大兵將至預積田稻蓄魚鹽爲固守計是日班郝帥騎兵千餘步兵六千并召蔡元吳式亨及撫兵楊廣余仁劉大隆陳敬許龍等各帶土兵共數萬人四面圍之仍負固不服大兵連日發大砲擊其垣

揭陽縣志

卷之七

兵燹

十二

墻賊視爲兒戲猶彈絲飲酒以爲樂班郝令兵周遭開溝列柵於外築土墩高於寨日夜發銃於堆上并築土城堞口下分兵嚴守各營皆築土圍建高臺以瞭遠令兵作市於營中以示久遠酒肉糧食皆縣供給時賊食將盡頗願乞降班郝給之曰先降者賞後出者罰久抗必誅十一月十二日鄭厝倉許厝寨七百餘夥相繼出降婦女千餘口并斬之惟洪厝寨未下兵守益嚴而糧食已盡饑死過半賊料必死乃舉火自焚兵擁入殺其男婦一千餘人毀其垣拆其屋三寨一時平之明日班師

九月二十六日揭縣防守墨承啓調赴別任衆民聞之罷市閉門攀留不得復往府懇留府以其誠切可之

十二月十三日鄉練張鳳擒獲九軍標總劉龍至縣斬於衙前



九年壬辰九月二十五日李國用來揭代墨承啓爲防守受詞放賭時行攘奪民患之語曰揭陽有一墨處處都無賊揭陽有一李家家都叫死

十年癸巳郝尙久殺車任重投誠權鎮潮州結寨金山頂明年正月張燈宴會勢甚橫三月我總兵劉伯祿至檄尙久爲叅將尙久怏怏不赴任署巡道沈時促之遂叛自稱新泰伯奉僞明永歷七年僭號執知府趙信辰攻潮陽掠揭邑逆靖藩耿精忠統滿漢兵十萬分駐城外聲討猶待其降總兵吳六奇坐觀成敗不宣王命尙久乞降無路嬰城固守九月十三日夜我師以巨砲攻西北門陰遣舟師由東角入城遂陷尙久奔金山與其子堯同赴井死是夜屠城斬殺無算

揭陽縣志

卷之七

兵燹

十三

十一年甲午八月十二日饒鎮吳六奇大敗藍霖九軍賊更請益兵萬餘圍賊寨馬頭營

十一月二十八日馬頭營賊寨破走○饒鎮吳六奇自五月帥兵圍賊寨二百餘日負固不降至是食盡乃開地窖夜竄鎮兵覺而截之賊死戰兵不敢近遂相帥逃去寨內止遺老弱兒婦二百餘口兵入盡戮之

十二年乙未四月二十日潮鎮標員楊倫來守揭縱兵搶奪先是防守墨承啓與閩寇頗相安總兵劉伯祿惡之遣標將楊倫密至揭承啓入見卽語兵執之解赴府城倫代守揭縱兵混搶禁錮人民不使出居民惴慄罷市二月餘○十五日閩寇入揭陽道鎮聞之召高亮福劉亮二將同來協守



八月初五日閩寇大至分圍揭城○閩寇陳豹同史朝炯以巨船百艘集南溪之旗尾黃廷萬禮蘇茂林勝等共統僞鎮二十餘員擁賊六七萬人泊洪山沙港等處進逼各鄉寨輸米分遣賊兵圍揭城防守楊倫盡焚城外居民鋪屋賊將黃廷圍東門萬禮圍北門蘇茂圍西門皆樹柵開塹爲久駐計林勝劄營於人家頭鄉以防禦府兵復運磚石雜泥土作二堆一在觀音堂一在東門北各高二十餘丈架巨砲數十座於其上日夜擊城城內用杉列柵移石砌壘以抵之街巷行人多被外砲擊死○十三日閩寇敗府兵於油蔴埔先是省將郭登賢張祥領騎步兵八百名來潮同道鎮援揭至油蔴網脚地遇閩賊林勝與戰殺我兵三百餘人馬十餘匹我師敗退保烏岡山張郭二將旋

揭陽縣志

卷之七

兵燹

十四

回省去○二十五日閩寇猖獗漸逼饒鎮總兵吳六奇禦之於獅拋毬忽林勝蘇茂等兵水陸并至六奇勢不能敵其三營之兵被賊殺死八百餘人自是上下湯坑及藍霖諸寨盡納款於

閩

九月初七日防守楊倫總統陳廷玉協守高亮福劉亮知縣段有徽教諭黃之芳乞賊放出揭陽城開○縣自被圍受困一月穀石俱盡救兵不至倫等度不能守令黃之芳同諸生羅奎林植莊殷元縉城見陳豹許以申文通商議和明日奎植殷元賈文往府求救府不許奎植等不得已散去城中文武窘甚乃詣閩寇求釋閩寇許之撤西關之圍令賊將樊忠引文武官從西門出水師兵從北窖出閩兵入居縣城且設糜粥以濟饑民設



僞知縣一員及主簿典史等官○二十二日省救兵大至○閩寇自九月來七日破揭普澄三縣報至省逆平藩尙可喜命左翼鎮許爾顯逆靖藩耿精忠命左翼鎮徐成功及部院兵并七標哈喇翼聶應舉等共兵一萬餘潮鎮劉伯祿饒鎮吳六奇并蔡元等兵七千餘自十月二十二日劄官徑至十二月二十四日移劄琅山築四大營盤知府黃廷獻令鄉寨供糧草當夫役百里內竹木祠宇俱毀伐無存老幼被拘者索財取贖使令稍不如意卽毆撲至死又造事誣扳慘毒無異閩寇時陳豹姪呂志約本姓呂劄營蘆清招叛將徐元及九軍賊林標劉勝等數千人沿鄉劫搶逾年乃散陳豹後與鄭成功有隙成功遣兵攻之康熙元年赴省投誠封伯爵居二年卒

揭陽縣志

卷之七

兵燹

十五

死者亦相等

十三年丙申二月省兵大敗閩寇于西門○省兵自移營琅山也閩寇蘇茂楊奇林文燦黃奇等擁賊萬餘劄營釣鰲橋數日前官兵以十數騎往來衝突閩賊出禦官兵佯卽奔逸如是者數四閩寇遂易之不設防是日天將曉鎮將許爾顯徐成功擁馬兵二千餘騎兵數萬分集於縣南北以饒鎮吳六奇之步兵爲衝鋒發巨砲擊其營蘇茂等出敵大戰於西門外賊兵敗時黃廷萬禮二兵分守東北門陳豹急召之入頃刻難赴卽至者亦不整列西門旣敗爭路逃回溺死釣鰲橋下及被殺者共四千餘人蘇茂傷楊奇林文燦并陣亡○二十五日閩寇復擁兵至東村渡敗回○閩寇之衆尙十餘萬賊將張英巴臣亨擁戰艦



五百餘直至錫場溪頭東村等處琅山營官兵見之卽分兵出禦連以小砲擊之賊當喪敗之餘懼不敢登岸官兵矢礮交加自午至酉擊死百餘人遂爭奔而退

三月十三日閩船離縣出港焚毀而去○是月初八日琅山兵移入西門外之盤載營浦喬林等處置巨砲於釣鰲橋日夜攻擊閩寇喪胆遣人求和各鎮初不許因其再懇乃暫還琅山聽其出港遂舉火焚縣衙及坊間鋪屋沿掠桃山地美諸鄉破長埔土尾呂浦三寨次日我兵入居揭城以隨征標劉國榮爲守防肆虐不減閩寇縣民苦之○十六日藩鎮兵勦河婆寨土弁劉大隆死○閩寇旣去鎮將許爾顯徐成功留兵千餘人護守縣城餘盡往河婆寨始於尖田尾寨殺三百餘人土弁劉大隆

揭陽縣志

卷之七

兵燹

十六

帥百餘人備酒肉以迎盡殺之并縛大隆至寨外時大雨如注大隆密囑寨衆走附近五十餘寨聞之皆走大隆被殺而保全鄉寨甚多

四月初一日殺叛賊游雲伍於琅山○游雲伍九軍賊黨也藉閩寇勢嚇索鄉寨至是徐許二鎮令其招降林標何虎等不至遂殺之是日塞釣鰲橋

恐海寇復來據縣步騎難以救援也

五月初七日建砲臺於鋪前以防海寇○砲臺有二在南岸者屬潮陽在北岸者屬揭陽臺週圍一百二十丈下厚七尺上厚四尺列大砲數十於上下撥五六百兵守之

十四年丁酉四月十四日官兵以逐賊爲名搶奪數十良寨○初興寧長樂二縣流賊千餘入境與土寇三四千人沿途嚇索臺



司徵兵剿逐兵未至賊聞悉散去諸兵因借清查爲名索餽賂橫岡溪頭兩寨進獻少遲卽指爲從賊破之後有流賊地方多不敢以聞

五月十八日閩寇復來○是時砲臺旣成閩賊適乘千餘艘來寇知有備不敢闌入乃自潮陽港轉官溪半月間破鄉村四十餘寨

九月招撫山賊○南有余魁陳輝北有黃肥范大總等合夥千餘人以河婆湖娘子背爲巢流劫揭海潮普興長諸縣揭知縣蔣寅請道府招撫之未幾復橫

十一月閩寇復來流劫鄉寨大掠而去○鄭成功以鐵騎六七百北兵千餘破澄海鷗汀背寨旋至揭官溪都聞逆平藩尙可

揭陽縣志

卷之七

兵燹

十七

喜來潮乃帥衆去

十七年庚子三月初八日鄭成功擁巨艦千餘艘至砲臺外沿鄉搜掠穀石月餘乃去

十一月鄭成功同周全斌朱堯等擁大小千餘艘至砲臺下凡近水之鄉搜劫一空總兵黃應傑吳進功禦之三逾月乃去

十八年辛丑四月二十二日道鎮帥兵剿南北賊寨○流賊合土寇連營結寨劫掠鄉村殺豐順營標員道鎮聞之各督兵千餘人鄉兵五百人至河婆湖柑子園埔子寨烏梨坑魚磔坑等處及大羅布心牌柵屋心四寨殺賊千餘黨羽解散揭知縣張嘉善時爲監紀受賊賄多方左袒各營怒逐班師致賊寨多有漏網



康熙二年癸卯十一月二十二日閩寇杜輝杜森兄弟投誠受撫至揭○鄭成功踞台灣康熙元年五月卒子經嗣其標將洪旭尙留廈門杜輝杜森皆旭義男也知旭將逃先以巨艦載兵二千餘并閩民七八千人來海口投誠藩鎮官至海迎之由南溪引入揭城河西一帶逐居民而與之住輝黨居縣中日夜劫奪甚於強寇輝授廣東水師後擢雲南永北總兵

七年戊申十二月初八日山寇陳玉友李虎子鄭阿仁等襲縣大敗而死○先是康熙三年五年續遷海界窮民捕魚晒鹽失業多匿巖藪爲盜玉友等被遷乃踞桑浦山爲巢穴與潮陽盜邱輝聲勢相倚有術者謂玉友曰君相貴當鼎峙而王玉友喜自稱王者師是月初八日奪民船載賊五六百人由直浦堰夜渡

揭陽縣志

卷之七

兵燹

十八

南溪越南門城及馬山窖五鼓入人家肆擄掠黎明揮衆出西門知縣龔元英懸賞格募斬玉友首者予千金兵壯人人奮勇當殺二百人餘遁去海港溺死者三百人擒玉友斬之十人爭功裂其尸爲十段懸以千金予十人均分之梟賊總王大兵鄭阿仁阿西首示於衢惟李虎子脫逃是夜邱輝復率賊千餘人破棉湖寨掠去男婦六七百人剽營一月乃去

按邱輝綽號臭紅肉幼投寨灣鄭氏爲盜康熙四年殺魏五而併其衆八年與李虎子入潮陽破八寨潮鎮劉進忠擊走之擄揭澄惠普百餘鄉男女以貌之蚩妍估價聽贖否則載入台灣九年受鄭經僞劄開府於達濠埠置市廛擅魚鹽之利

八年己酉六月二十六日流民嘯聚界外焚劫砲台及各鄉寨○



時因遷海界失業者往往爲盜其近界之賊稍往他處故守臺兵不爲備二十六日賊潛駕小舟數十啣尾而來兵懼而走器械皆被焚毀鄉寨亦多遭劫掠

九年庚戌六月以河南武進士張文炤爲右營遊擊防守揭陽文炤能文善書而謹於禦盜土寇皆屏跡未幾卒七月水師遊擊陳璉接任汛守益嚴整揭屬河道皆蕩平

十年辛亥直浦山寇流劫漁湖等處掠男婦入其洞總鎮劉進忠擊之發兵搜山救回被掠男婦無算先是水師遊擊陳萬權守砲臺盜不敢犯又創舳舳砲船最利水戰後換別將不用其式是以寇來不能禦

十三年甲寅三月二十五日西關民李春自稱受海寇劄爲都督

揭陽縣志

卷之七

兵燹

十九

謀據揭城以叛事覺官兵執之并擒其黨數人寘於法

四月總兵劉進忠聞吳三桂叛於滇耿精忠叛於閩遂萌異志遣腹將楊希震詭道趨福州納款於精忠獻潮郡十一州縣地請假寧粵將軍印以號召軍民二十一日希震引漳州鎮劉炎兵至勢益張次日耿逆頒寧粵將軍雀印抵潮進忠遂易服從明制遣兵來據揭陽饒鎮舊中軍歐亮領我師來復揭城駐劄磐溪都爲逆黨所覺襲殺之

八月逆藩尚可喜遣男將軍之孝都統聶包提督嚴自明固山王國棟將兵討進忠駐郡之竹篙山○王國棟權署潮鎮夜帥兵欲襲攻據揭城之寇值大風雨衣甲盡濕不能進乃回竹篙山營



八月十四日巡撫劉秉權帥師來潮討劉進忠敗之斬其將金統○時遇水漲溺死賊兵無算秉權以勞瘁卒於軍據揭賊聞之懼亟造戰船以防禦大兵

十月十四日澄海井州潭賊船數隻聞吳耿二逆並叛劉進忠復據郡城乃假其旗號直入揭地至南北兩礮臺守者誤認爲我兵不放砲遂被闖入邑中僞黨亦以爲閩舟入援出迎之被其擊傷及墜河而死者無算居民聞之亟覓快船搬器械乘夜竄海外城內男婦驚惶一時星散黎明知縣張方聖典史張允綱走桃山謁告碣石鎮苗之秀之秀引至竹篙營見尙之孝仍遣回揭視事○十五日岐山練總引閩鄭經之兵與惠協兵至揭騷擾旣而碣鎮苗之秀馳至出示安民禁刦奪越數日民乃

揭陽縣志

卷之七

兵燹

二十

回城時大兵駐劄竹篙山署鎮王國棟連日遣官來揭取物料逼勒折價民甚苦之

十二月初三日海賊何左虎引兵來援劉進忠已入分水關將軍尙之孝遣王國棟馳黃岡堵禦爲海賊所敗從東路遁回之孝見賊勢猖獗拔營走普寧移營於馬坵棄揭不守

十四年乙卯二月尙之孝調府屬轄兵及各縣鄉勇自普寧進兵劄營琅山與閩寇統領劉國軒等相拒十六日劉進忠與何左虎等衆五萬餘屯鷹爪花之地深溝固壘以爲守禦

五月十九日劉進忠謀知我師十餘萬擁來乃劄于八鵝樹險隘處逆平藩遣子俺達公尙之信來援不至尙之孝出兵於揭之烏岡二十二日黎明我師壓賊境連刦其營進忠懼退保鰲



母山適寇兵苦瘴癘多逃散我師乘虛直逼賊營山路危險騎不得成列藩下遊擊高亮正領步卒連發斑鳩砲賊幾破之孝立馬山頂張蓋督戰賊望見分兵直搗其上之孝走我師遂潰進忠督兵追至深坑殺死萬人河水盡赤之孝退至普寧患病移入縣署修濬城濠設局造兵器

八月尙之孝王國棟帥師進駐藍田新亨等處會奉文令郡邑團練有司以邑孝廉羅國珍應國珍爰帥子弟兵五百餘名築壘琅山臥戟數閱月戮力助戰後被執逼受僞命不爲屈卒亦免於難

十五年丙辰正月初二日劉進忠又引海寇挑戰之孝勒馬高山望壁壘齊整自惴不敵是夜拔營宵遁軍資糗糧付之一炬初

揭陽縣志

卷之七

兵燹

二十一

四日進忠帥兵追至惠州分兵攻博羅之孝避入惠州進忠攻城甚急堅拒不下而之孝兄之信叛附吳三桂惠遂失守將軍提督固山俱回廣州進忠乃留其黨劉國軒羅緯守惠州而自回潮州入閩謁鄭經經弗爲禮遂逃歸

十六年丁巳正月康親王收復興泉諸郡鄭經密召何左虎棄漳州據廈門劉進忠計無所之聞耿精忠亦已降益懼因遣官陳文弢至興泉迎康親王納款且密言進忠窮蹙近狀實意投誠王許之

六月初六日劉進忠旣降授征逆將軍令士民剃頭歸正民慶更生

按進忠本逆賊張獻忠部下將混名劉猴子十九年檄同耿精



忠入京論罪俱磔於市

八月海寇江欽等帥二百餘艘泊砲臺外河劄營石井鳳山等處侵掠揭境其深浦山賊與各處奸民駕小舟迎之九月十三日由直浦都竈浦港渡南河刼擾漁湖官溪二都水師守備趙雲把總徐巽督舟師截河擊之賊被殺及墜河死者千餘人救回擄掠男女無算

趙雲本姓洪漳州人徐巽本姓吳漁湖人

二十年遊擊程士鰲誘斬劇賊呂龍賊黨趙榮降○藍田入鄉向爲盜藪有劇賊呂龍綽號破碗公悍而狡結趙榮爲羽翼羣盜歸之康熙十三年乘劉進忠之叛聚衆千餘人與海寇邱輝水陸相應日事剽掠至是守揭遊擊程士鰲誘以就撫延飲帳中呂龍不疑徑至士鰲就座執斬之趙榮聞之懼自縛受降士鰲

揭陽縣志

卷之七

兵燹

二十二

察其誠釋之入鄉賊黨遂平後邱輝在台灣亦爲我師大砲擊死

乾隆三十五年庚寅九月揭陽監生池亨會與豐順縣民朱阿姜等潛謀不軌伏誅○池亨會梅岡都人與朱阿姜俱惑於堪輿星相家藏兵書符呪及描畫參軍帥印鎗劍等物歃血結盟煽誘多人謀爲不軌各用白布纏頭嘯聚於白芒洲海陽令楊士璣聞之督役至薛公寮查拿諸匪輒敢吹螺執械殺差拒官九月十五日揭令蕭應植廉得其狀掩執池亨會於其家次日總兵薩靈阿兵備道觀音保遊擊田永桐督兵入其地賊衆猶負固抗拒屯據山岡旣而所調各營兵俱集制軍李侍堯聞報遄臨嚴飭兵役直搗巢穴朱阿姜等始逃散竄匿先後擒獲一百二



十餘人

奏聞將首犯朱阿姜池亭會凌遲處死殺差之陳阿洪等三十九名斬決夥犯陳阿六等八十四名發烏魯木齊等處給與種地兵丁爲奴揭令蕭應植海令楊士璣均以功陞知府

三十八年癸巳十二月磐溪都民林阿裕等圖謀劫獄事發伏誅○初縣民陳阿高結把拜盟事發拘禁在獄而其黨林阿裕馬阿炮等又信女巫馬王氏邪教煽惑思於十二月初一日越城入獄刦阿高以出因而舉火謀叛時縣令史易甫到任聞信倉卒居民駭愕遊擊田永桐知之潛登陴設伏令關廂居民列炬懸燈以備非常賊聞有備憚不敢發越日以次就擒制軍李侍堯聞報馳至窮究夥黨

奏聞磔阿裕阿高等十人于市